

Naqqiut

Siunnersuut 24. august 2018-imi ullulernerqartoq taarserpaa

Tunngavilersuutaasoq

Naqqiummi inatsisit teknikkitaannut aaqqiissutit ilanngunneqarput. Naqqiinerit teknikkimut kukkusersiunerimullu tunngassuteqarput, ilanngullugu siunnersuummi nr. 10-imut nassuiaatini kukkusumik innersuussinerup iluarsineqarnera.

Siunnersuummut nassuiaatit

Nalinginnaasumik nassuiaatit

1. Aallaqqaasiut

Siunnersuut aningaasarsianit akileraarutit pillugit Inatsisartut inatsisaannut allannguutininik ilassutinillu assigiinngitsunik imaqarpoq, matumani soraarnerussutisiaqalernissamut aaqjissuussinernik akileraarusersuinerimi allannguutit annikinnerusut ilaallutik.

Umiatsiaaqqamik inuussutissarsiutigalugu aalisarnermi nalikilliliisarnerit pillugit malittarisassani oqilisaassinernik siunnersuut imaqarpoq.

Sikumik imermillu avammut niuersinnaatitaasut akileraaruteqartittannginnissaannut tunngavissamik ilanngussisoqarpoq, tamatumani niuernermik tunngaveqarluni sikumik imermillu iluaquteqarsinnaaneq pillugu Inatsisartut inatsisaanni akuersissut malinneqarpat.

Ummannap eqqaani ulloq 18. juni 2017-imi pinngortitami ajunaarneruaqarneranit innuttaasunut eqqugaasunut Namminersorlutik Oqartussat ataasiaannartumik ikiorsiissuteqarnerata akileraaruteqartinneqannginnissaa siunnersuummi ilaatinneqarpoq.

Taamattaaq nammineerluni nalunaarsuisarnermut malittarisassanut nuussinerillu nakkutigisat uppernarsaatissaannut illuatungeriit tamarmik Kalaallit Nunaanniittunut atuutsilerlugit annertusineqarnissaat kiisalu nuussinerit nakkutigisat uppernarsaasersorneqarneranut maleruagassat allanngortinneqassasut siunnersuutigineqarpoq.

OECD-p kaammattuutai naapertorlugit nunamit-nunamut nalunaarsuisarnermik, akileraaruserinerimut ingerlatsiviit paasissutissanik atorneqarsinnaasunik allanik suliffeqarfissuarnillu nunani assigiinngitsuni ingerlatsisunit uppernarsaasersuutininik tigusaqarlutillu ingerlatitseqqiisalernissaat siunnersuutigineqarpoq. Tamatuma kingorna nuussinernut atasumik transfere pricingimut aarlerinaateqarnerisooq akileraaruserinerimut ingerlatsiviup pitsaanerusermik nalilersinnaalissavaa.

2. Siunnersuummi immikkoortut pingaarnertit

Sikumik imermillu niuernermik tunngaveqarluni atuinerup akileraartinneqartanninnissaat Aningaasarsianit akileraarutit pillugit inatsimmi § 3, imm. 3 naapertorlugu, suliffeqarfiit Aatsitassat ingerlatallu tamatumunnga pingaarutillit pillugit inatsisartut inatsisaat imaluunniit Erngup nukingata innaallagissiornermut atorneqartarnera pillugu Inatsisartut inatsisaat naapertorlugu paaasinaanermik akuersissutillit, akuersissummik piginnittup akuersissutaa naapertorlugu akissarsianit akileraarutit pillugit inatsisartut inatsisaat naapertorlugu akileraarutitut akiliisussaannngitsinneqarsinnaavoq.

Aalajangersakkap annertusillugu inatsisartut inatsisaat naapertorlugu nilammik imermillu niuernermik tunngaveqartumik atuisinnaanermut akuersissummik pigisaqartoq tamatuma akuersissutaatillip akuersissutaataanut malittaana ilutigalugu aamma akissarsianit akileraarutit naapertorlugit akileraartartussajunnarsinneqassasoq siunnersuutigineqarpoq. Taamaalillutik akuersissutaatillit taakku aatsitassanik ingerlatallu tamatumunnga pingaarutinnik kiisalu erngup nukingani innaallagissiorlutut ilaatinneqalissapput.

Siunnersuut Sikup erngullu niuernermik tunngaveqartumik atorneqarnissaat pillugu Inatsisartut inatsisaanni § 25-mut ataqatigiissillugu isigineqassaaq. Akileraarutitut akiliinnginnissamut aalajangersakkat Naalakkarsuisut Kalaallit Nunaanni sikumik imermillu niuernermik tunngaveqartumik atuilluni ingerlatsinnaanermik akuersissutini atugassarititaasut pilerinarnerulernissaannik siuarsaanissamik periarfissinneqarput.

Kalaallit Nunaanni soraarnerussutisianik katersanit iluanaarutisianit akileraarut Kalaallit Nunaanni aningaaserivinni soraarnerussutisiassanut katersanut kiisalu Kalaallit Nunaanni soraarnerussutisianik katersivinni katersanut tunngatillugu iluanaarutisianit akileraarusiisarnerni assigiinngiaartunik maleruagassaqaqarnera Soraarnerussutisianik katersivik SISA-p tikkuarpaa.

Suliffeqarfiit aktiaatilinnut il.il. iluanaarutisianik tunniussinermit akileraarutitut ilanngaannissamut pisussaaffimmu atuutsitsinnginnermut il.il. atatillugu, kalaallit suliffeqarfii ullumikkut iluanaarutini soraarnerussutisianik katersinermit kalaallit aningaaseriviutaanni aktianik piginnittuunermit atatillugu iluanaarutisianik akileraarusiisoqassannginnera atuuppoq.

Kalaallilli soraarnerussutisianik katersivii aalajangersakkanut ilaatinneqanngillat, taamaammallu kalaallit suliffeqarfii kalaallit soraarnerussutisianik katersiviini soraarnerussutisianik katersanik iluanaarutisinermit iluanaarutisinermit akileraarummik ilanngaassisussaapput. Siunnersuut Kalaallit Nunaanni soraarnerussutisianik katersivinnik aaqjissuussinerni assigiiaartunik malittarisassiornissamik siunertaqarpoq.

Kalaallit Nunaanni soraarnerussutisiani katersivinni soraarnerussutisiassanut katersat kiisalu soraarnerussutisiassanut siunertaqartumik sipaarutit aningaasarsianut akileraarutit pillugit

Inatsisartut inatsisiaanni kapitali 4 a naapertorlugu suliffeqarfinnit peqatigiiffinnillu il.il. Kalaallit Nunaanniittunit iluanaarutisiat iluanaarutisianut akileraarutinut ilaatinneqannginnissaat siunnersuutigineqarpoq. Pisuni taakkunani marlunni aktiaatit soraarnerussutisianut katersinermi aaqqissuussanut toqqorneqartut, tassanilu iluanaarutisiat soraarnerussutisianit iluanaarutinit akileraaruserneqartut pineqarput. Pisuni taakkunani marloqiusamik akileraarusiinnginnissaq pingaartinneqarpoq.

Suliffeqarfiit soraarnerussutisianik siunertaqartunut imaluunniit soraarnerussutisianik katersivimmut Kalaallit Nunaanni angerlarsimaffeqartunut iluanaarutisianik akiliinermi, tunniussinermi iluanaarutisianik akileraarusiinissaat aalajangersakkap nassataraa. Soraarnerussutisianilli katersiviup aningaaseriviulluunniit soraarnerussutisianik sipaaruteqartoq sinnerlugu aningaasarsianit akileraarusiisarneq pillugu inatsisartut inatsisaanni § 90 naapertorlugu utertitsivigineqarnissaq akileraaruserinermut ingerlatsivimmut qinnutigisinnaavaa. Aningaasat utertinneqartut soraarnerussutisianik katersanut aaqqissuussamut ikineqartassapput.

Inuussutissarsiutigalugu umiatsiaaqqamik aalisarnermi aquuteralamik ingerlaannartumik nalikilliliineq

Umiatsiaaqqat atorlugit takornarianik inuussutissarsiutigalugu aalisartitsinermi attartortitsinermilu inuussutissarsiornikkut atugarisat pitsanngorsarneqarnissaat siunnersuuteqarnermi siunertarineqarpoq.

Maanna malittarisassat naapertorlugit ingerlatsinermut atortut, soorlu aquuteralaat, ukiumut 30 procentip tungaanut nalikillilerneqarsinnaapput. Namminersorlunili inuussutissarsiummik ingerlataqartup ukiumi ataatsimi pigisat nalillit ataasiakkaat nalinga tamaat ilanngaatigisinnaavaa (ingerlaannartumik nalikillillugu), taassuminnga pisinermi aki 100.000 kr.-i imaluunniit ataallugu naleqarpat. Assinganik ingerlatseqatigiiffiit pigisanik nalilinnik ataasiakkaanik pisinermi aki, pisiarinerani 50.000 kr.-ip tungaanut akeqarsimappata tamaat ilanngaatigisinnaavaa.

Inuussutissarsiutigalugu aalisartut aammalu inuussutissarsiutigalugu takornariartitsinermik angallammillu attartortitsinermik ingerlataqartut aquuteralamik pisinermi akimik ingerlaannartumik nalikilliliinissamik periarfissinneqarnissaat siunnersuutigineqarpoq.

Tamanna inuussutissarsiummik ingerlatsisumut ukiumi pisiaqarfiusumi akiliisinnaassutsikkut iluaqusiissaaq, tamatuma nassatarimmagu, ukiumi pineqartumi aningaasarsiat akileraarutaasussaasut naatsorsorneqarneranni aquuteralamik pisinerup akia tamakkiisumik ilanngaataasinnaanera. Taamaasilluni ukiumi siullermi akileraaruteqarneq annikinnerussaaq. Ingerlatsinermut atortunik pisinermi akiliutit 100.000 kr-it tikillugit annertussuseqartut namminersorlutik inuussutissarsiortunit nalikillilivigineqarsinnaanerannik periarfissaannik allannguisoqassanngilaq.

Akiliisinnaassutsikkut pitsanngoriaatip, inuussutissarsiummik ingerlatsisup angusaata, inuussutissarsiummik ingerlatsisup assersuutigalugu motoorip aserornerani ilaasunilluunniit angallassisinnaannginnermi sukkanerusumik aquuterlassisinnaanera siuarsarsinnaavaa, taamaasilluni piffissat, inuussutissarsiummik ingerlatsisup aalisarsinnaaffii killilersorneqassanatik. Taamaasilluni aalajangersakkap siuarsarsinnaavaa, inuussutissarsiummik ingerlatsisup piffissaq aalisarfik kiisalu aalisarnermi pisarisinnaasat iluaqutiginerulenera.

Aquuteralammik nutaamik pisineq inuussutissarsiummik ingerlatsisumut nalinginaasumik annertunerusumik aningaasartuutaasarpoq. Aquuteralammik nutaamik pisineq ilaanni, ikkutsinnera ilanngullugu, motoorip sakkortussusaa, suussusaa aamma meqqia il.il. apeqqutaallutik, 100.000-it 200.000 kr.-illu akornanni aningaasartuutaasinnaasarpoq.

Aalajangersakkami kisimik ilaapput inuussutissarsiutigalugu aalisartut aammalu takornarianik angallassisut attartortitsisartullu, taamaasillunilu inuussutissarsiutinik allanik ingerlatsisut umiatsiaaqqanik attartortitsisarnermik ingerlatsisut ilaanatik. Akileraarutitigit iluanaaruteqarniarluni aningaasaliiniartoqarsinnaanera atornerluiniartoqarsinnaaneralu annikillisinniarlugu aalajangersakkap atuuffiisa killilerneqarnissaata naapertuuttut isigineqarneranut tamanna atassuteqartut isigineqassaaq.

Ummannap eqqaani pinngortitamik ajunaarnersuaqarneranut atatillugu Namminersorlutik oqartussat akileraarutitaqanngitsumik ataasiaannartumik tapiissuteqarnerat.

Ulloq 18. juni 2017-imi Nuugaatsiami Illorsuarnilu pinngortitamik ajunaarnersuaqarnerata kingunerisaanik innuttaasut taartit inissialiunneqassasut Naalakkersuisut aalajangiuppaat. Aammattaaq pisut ilaatigut 50.000 kr.-inik taarsiiffigineqarput.

Malittarisassat atuuttut malillugit akiliisup inatsisit malillugit pisussaaffilerneqanngitsumik tamatumunnga taarsiinermut akiliutit taarsiiffigineqartumut inatsisit malillugit akiligassartaqanngitsumik taarsiissutaapput. Akileraarutit eqqarsaatigalugit pisussaaffilerneqanngitsumik taarsiissutit tunniussatut isigineqarput, taarsiissutivittullu isigineqarnatik. Tunissutit § 13 naapertorlugu tigusisussap akileraarutaasussaasutut isertitaatut allaaviatigut isigineqartarput. Tamanna aamma § 14, nr. 2-mi nassuiaatigineqarpoq.

Taamaattumillu Ummannap eqqaani ulloq 18. juni 2017-imi pinngortitamik ajunaarnersuaqarnerani innuttaasunut eqqugaasunut Namminersorlutik Oqartussat taarsiiffigineqartumut akiliuteqarnissamik piumasaqaatitaqanngitsumik taarsiissuteqarnerminni ataasiaannartumik tapiissuteqarnerat akileraarutaassanngitsoq siunnersuutigineqarpoq.

Pisumi matumanerpiami ataasiaannartumik tapiissuteqarnerit akileraaruteqartinneqannginnissaannik siunnersuuteqarnermi tunngavigineqarpoq aningaasaliissuteqarnerni siunertarineqartut akileraaruserneqassappata tamanna siunertarineqartumut akerliussammat. Aammattaaq ataasiaannartumik tapiissutit isertitatut

akileraarutaasussaasutut naatsorsorneqassappata tapiissutinik tiguisut piffissami aalajangersimasumi ineqarnermut tapiissutisiaat annikinnerulersinnaapput kiisalu ulluunerani paaqqinnittarfimmu akiliutaat annertusisinnaallutik, tassa akiliutit taakku tiguisartup isertitai malillugit iluarsivigineqartarmata. Ajornartorsiutaalersinnaasut taamaattut inatsisissatut siunnersuutikkut matumani pineqartukku pinngitsoortinneqassapput.

Taamaattorli taartissanik inissialiorneq pigisat akileraarutaasussaataasut nalingannik annikilliliinikkut taarserneqartussatut isigineqassapput, taamaattumillu § 34, nr. 2 naapertorlugu akileraarutaassanatik. Pigisat nalillit akileraarutitaqanngitsut allanngortinneqarneqarnerat pineqarmat taartissatut inissialiap inissiap ajoquserneqartup toqqaviani sananeqarnissaa imaluunniit inissiaaqqartumit allatut naleqarnissaa apeqqutaassanngilaq.

Nuussinernik nakkutigisanik il.il. nammineerluni nalunaarsuineq

Aningaasarsianit akileraarutit pillugit Inatsisartut Inatsisaanni nr. 18, 26. juni 2017-meersumi § 36 a-mi arlaannaannulluunniit attuumassuteqanngitsumik illuatungineq aamma illuatungeriit tamarmik Kalaallit Nunaanniittuni niueruteqarnermi aamma atuuttartoq erseqqissarneqarpoq.

§ 36 b-mi nammineq nalunaarsuinissamut, uppersaasiinissamut kiisalu nakkutigisanik nuussinernik taamaattunik pisussaaffik, taamaallaat nunani illuatungerisap nunani allaniinnerani taamaallaat atuuttartoq aalajangersarneqarpoq. Pisussaaffiup taassuma aamma illuatungeriit tamarmik Kalaallit Nunaanniitillugit aamma atuuttassasoq siunnersuutigineqarpoq.

Aalajangersakkat § 36 a naapertorlugu nakkutiginninnerup pitsaassusaata qulakkeernissaanut pingaaruteqarput. Akileraaruseriffiup sulianik qaqilerinissamut toqqammavissaqarneranik nalilersuinissamut periarfissai malittarisassakkut qulakkeerneqarput.

Akileraaruseriffiup nalinginnaasumik akileraarusigassanik naatsorsuinermut kukkuneruinerminullu atatillugu akileraartussaataasumut uppersaatinik ersarinnerusunik piumasinnaanera aallaaviuvoq. Nammineerluni nalunaarsuisussaataanermik pisussaaffimmi piumaffigineqarnikkut paasissutissat nammineerluni nalunaarutigisat toqqammaviinik nassuiaateqarnissamut pisussaaffik ilaatinneqarpoq, taamaalilluni akileraartarnikkut ingerlatseqatigiiffik taakku pitsaassusaannik naliliinissamut periarfissaqarsinnaaqqullugu.

Nunami namminermit nakkutigisanik nuussinernut tunngatillugu, suliffeqarfiit taamaalillutik, akit atugassarititaasullu attuumassuteqanngitsumik nuussinerni atugassaritinneqartut pillugit suliffeqarfik uppersaanissamik qinnuigineqarsinnaavoq. Suliffeqarfiup akileraarutigineqartussamik naatsorsuinermit paasissutissanik akileraaruserinermik

ingerlatsiviup nuussinerit attuumassuteqanngitsumik toqqammaveqarluni pisimanerannik naliliisinnaaneranut pisariaqartunik tunniussisussaataitanera piumasaqaataavoq.

Nunani allanik suleqatinut nakkutigisanik nuussinernut atatillugu, § 36 b-mi maleruagassat annertunerusut, immikkut annertusisamik paasissutissiinissamik pisussaaffimmik immikkullu uppersaasiinissamik pisussaaffimmik nassataqartut aalajangersarneqarput.

Maleruagassat taakku akileraaruseriffiup siuliani taasat naapertorlugit uppersaataissatut suliarineqartoq nakkutigisamik nuussinerit nalilerneqarnissaannut toqqammavissatut naammattutut isigineqanngippat, paasissutissanik uppersaataissanillu erseqqinnerusumik qinnuiginnissinnaanerannik pisinnaatippai.

§ 36 b-mi *paasissutissiisussaataitanerup*, akileraartussaataitasup nammineerluni nalunaarsuinermini suliffeqarfissuartigoortumik atasunik nunani allani immikkoortunut niuernikkut aningaasaqarnikkulluunniit nuussinerit suunerat annertussusaallu pillugit paasissusiinissamik nassataqarpoq (nuussinerit nakkutigisat), tassunga ilanngullugit attuumassuteqarfittut illuatungerisanut paasissutissat. Matumani paasissutissat pingaarninnaat pineqarput. Tamatumani akileraaruseriffiup suliffeqarfinnik erseqqinnerusumik misissuiffigineqartussatut toqqarneqarnissaannik ikiuinermut sakkussinneqarnissaa siunertaavoq.

§ 36 b naapertorlugu *uppersaasiinissamut pisussaaffiup*, akileraartussaataitasup akit atugassarititaasullu qanoq aalajangersorneqartarnerat pillugu allakkatigut uppersaasersuutininik suliaqarnermik toqqortaqaarnissamillu pisussaaffeqarnera nassataraa. Allakkatigut uppersaasiarineqartut akit atugassarititaasullu illuatungeriit imminut attuumassuteqanngitsut (attuumassuteqannginnissamik periuseq) akornani nuussinertigut anguneqarsinnaasunut naapertuunnerannut naliliisinnaanermut toqqammaviusinnaasutut pitsaassuseqassapput. Allakkatigut uppersaasiussaqaq taamaallaat akileraaruseriffiup piumasaqarneratigut tunniunneqartassaaq. Uppersaasiassaqaq pigineqartuartaassaaq, taamaalilluni nammineerluni nalunaarsukkamik tunniussereernermi akileraaruserinermit ingerlatsiviup taanna qinnutigissappagu erngertumik tunniunneqarsinnaasassalluni.

Nakkutigineqartumik nuussinerit tamarmik § 36 b naapertorlugu paasissutissiinissamik uppersaasiinissamillu pisussaaffeqarnermut ilaanerat killeqarfiit akimorlugit nunamilu namminermit nuussinerit assigiinngissutaannik atorunnaarsitsinerup kinguneraa.

Tamanna tunuliaqutaralugu suliffeqarfiit minnerusut nuussinerit ilaannaannut uppersaasiornernik taamaallaat suliaqartussanngortillugit uppersaasiinissamut pisussaaffiup killileqarnissaa siunnersuutigineqarpoq. Suliffeqarfinnut minnermut killiliinissamik siunnersuut taamaallaat uppersaasiisussaataitanermit pissutsinut atortinneqarpoq.

§ 36 b-mi allannguutit ilaatigut OECD-p BEPS-imik suliniumminni transfer pricingimik uppersaasiinermi piumasaqaatinik assigiissaakkanik atulersitsinissamik kaammattuuteqarneranut atatillugu isigineqassaaq. Malittarisassat ilaasa assigiissarnerat akileraartarnermik ingerlatsivinnut nunatsinnilu suliffeqarfinnut iluaqutaasussatut nalilerneqarpoq. Kalaallit suliffeqarfiutaat nunani allani ingerlataqartut, tassani EU kiisalu OECD-mi nunat allat ilanngullugit, piumasaqaatinik taakku assigninik amerlasuutigut piumasaqarfigineqartassapput. Taamaammatt Kalaallit Nunaanni suliffeqarfiit piumasaqaatinik assingusunik assigiiaanik nakkutigisamik nuussinerni uppersaasiinernut atatillugu nunani allani taakkunanisulli piumasaqarfigineqartassapput.

Nakkutigisanilli nuussinernut uppersaasersuinernik annertusaanerit namminersorlutik inuussutissarsiortunut pisarissersuissapput, suliffeqarfinnullu aningaasartuuteqarfiussallutik. Taamaammallu maleruagassanik suliffeqarfiit annertussusaannut atatillugu uppersaasiisarnermik piumasaqaatinik killiliisunik atulersitsisoqarnissaa siunnersuutigineqarpoq. Assersuutigalugulu qallunaat akileraartarnermik nakkutilliinerannut inatsimmi, EU-p maleruagassaanik aallaaveqartuni, killiliinerit taamaattut aamma atortinneqarput.

Suliffeqarfiit annerusut, 250-inik taakkuninngaluunniit amerlanernik sulisoqartut, taamattaq naatsorsuutigut 125 mio. kr-inik taakkuninngaluunniit amerlanernik oqimaaqatigiissitsisut, imaluunniit ukiumut 250 mio. kr-inik taakkuninngaluunniit amerlanernik kaaviiartitaqartut, nakkutilliinermut annertunerusunik piumasaqaatinik naammassinnittussaassapput. Suliffeqarfissuarnut tunngatillugu suliffeqarfissuarmi ataatsimut kaaviiartitat il.il. isiginiarneqartassapput.

Suliffeqarfinnut minnerusunut killigititat taakku ataanniittunut, uppersaasiinissanut piumasaqaatit taamaallaat nunani allanik suleqatinik Kalaallit Nunaata marloqiusamik akileraannginnissamik isumaqatigiissuteqarfiginngisaanniittuni niueqateqarnerni uppersaasiinissamik piumasaqaatit taamaallaat atuupput. Suliffeqarfinnut annerusunut killigititat siuliani taaneqartut qaangerlugit inissimasunut tunngatillugu, uppersaasiisarnissamik piumasaqaatit tamatigut atuupput.

Piumasaqaatit annertussusaa aningaasat pineqartut annertussusaannik naapertuunnissaa pillugu, uppersaasiinissamut piumasaqaatip aggulunneqarnissaanik atulersitsinissap naapertuussinnaanera nalilerneqarpoq, taamaalilluni uppersaasiinerit isumalluutinik annertuumik atuiffiusussat taamaallaat akileraartarnermut ingerlatsiviup erseqqissumik piumasaqaateqarneratigut aatsaat pisussanngorlugit. Tamanna paasissutissanik katersivinnik misissuinernik ingerlatsinermut atuuppoq. Taamattaarlu nakkutigisamik nuussinernit annertussutsimikkut akulikissutsimikkullu pingaaruteqanngitsut uppersaaserneqartannginnissaat siunnersuutigineqarpoq.

Naalakkersuisut uppernarsaasiinermut maleruagassanik erseqqinnerusunik aalajangersaasinnaanissaat siunnersuutigineqarpoq. Maleruagassanik aalajangersaanermi sinaakkutissat tassaassapput UECD-p transfer pricing pillugu maleruagassai. Maleruagassiinermi akileraartussaataitaasup allaffissornikkut naapertuutinningsunik nammakkorsorneqarsinnaanera eqqummaariffigineqassaaq – akileraaruseriffiup akit atugassarititallu attuumassuteqannginnerup nalilernissaanut paasissutissat pisariaqartut kisiisa piumasarisariaqarpai – taamaattoq akileraartussaataitaasoq atortussianik taamaallaat akileraarusiinissami atugassanik suliaqartariaqarsinnaavoq. Maleruagassanik aalajangersaanermi ilanngullugu suliffeqarfiit assigiinngitsuunerat, taamaalillunilu eqaatsumik periuseqartariaqarneq eqqarsaatigineqartariaqarpoq.

Akileraartussaataitaasup uppernarsaataa, akit atugassarititaasullu nuussinerit illuatungeriit imminnut attuumassuteqanngitsut akornanni isumaqatigiissutitut toqqammavissatut anguneqarsinnaasut naapertorlugit aalajangersarneqarsinnaasuutillugu naliliinermi toqqammaveqarnissaq inatsisitigut piumasaqaataavoq. Piumasaqaat taanna maleruagassanik nutaanik aalajangersaanermi takuneqarsinnaassaaq.

Taamaammat uppernarsaasiinissamut pisussaaffik ersarissarneqarlunilu uppernarsaasiisinaanermut pisussaaffiup pitsaassusaa qaffassarneqassasoq naatsorsuutigineqarpoq.

OECD-p nakkutigisanik nuussinernut uppernarsaatinik suliaqarnernut kaammattuutaani makku suliarineqarnissaat kaammattuutigineqarpoq:

- Master file (Ataatsimoorussamik uppernarsaat)
- Local file (Nunami aalajangersimasumi atugassatut uppernarsaat)
- Country-by-Country-report (Nunamit Nunamut nalunaarusiaq)

Ataatsimoorussamik uppernarsaat suliffeqarfissuarmik taasumalu niuernerme periaasianik nassuiaammik imaqarpoq. Uppernarsaasiissutip taamaalilluni suliffeqarfissuup anngaasaqarnikkut ingerlataanik aaqqissuunneqarneranillu nassuiaammik imaqassaaq. Uppernarsaasiissut akileraartarnermut ingerlatsiviup aarlerinaatinik naliliinerit aallartinneranni tunngavissatut atorveqartassaaq.

Nunami aalajangersimasumi atugassatut uppernarsaat piffimmi akileraartussaataititut ingerlatsisumit nakkutigisanik nuussinernik ingerlatanut aalajangersimasunut innersuussineruvoq. Uppernarsaasiissut akileraartarnermut ingerlatsiviup aarlerinaatinik naliliinerit aallartinnerani suliffeqarfissuup akinik aalajangersaanera attuumassuteqanngitsumik periutsit atorlugit pisimaneranik naliliinissamik periarfissiissaaq.

Nunamit Nunamut nalunaarusiaq tulluuttumi nassuiarneqarpoq.

Nunamit Nunamut nalunaarusiaq OECD BEPS-imik suliniut tunuliaqutaralugu transfer pricingimik nuussinernut atatillugu uppersaasiinernut piumasaqaatinik nutartikkanik suliaqarpoq. Transfer pricingimut uppersaasatit saniatigut nunamit nunamut nalunaarusiatut taaneqartup atulersinneqarnissaa OECD-p siunnersuutigaa. Tamanna BEPS-imik suliniummi suliniut 13-imik malinninneruvoq.

Maleruagassat atuuttut naapertorlugit Kalaallit Nunaanni akileraartussaataasut nakkutigisamik nuusserit nammineerlutik nalunaarutigalugillu uppersaasertussaavaat. Tamannali nunamit nunamut nalunaarusiami piumasaqaataangilaq.

Kalaallit suliffeqarfissuaataat 5.600 mio. kr-inik taakkuluunniit sinnerlugit ataatsimut kaaviiartitaqartut Kalaallit Nunaannut nunamit nunamut nalunaarusiamik tunniussinissamut pisussaaffilerneqarnissaat siunnersuutigineqarpoq. Kaaviiartitsinermi piumasaqaat OECD-p 750 mio. EUR-imik ataatsimut kaaviiartitaqarnissamik kaammattuutaanut naapertuuppoq.

Nunamit nunamut nalunaarusiaq suliffeqarfissuup nunani assigiinngitsuni ingerlatsisup isertitaasa akileraarutinullu akiliutaasa qanoq agguataarsimanerannik kiisalu suliffeqarfissuarmi namminermi aningaasatigut ingerlatat qanoq ingerlanneqartarnerat pillugu paasissutissanik aalajangersimasunik imaqassaaq. Taamattaaq suliffeqarfissuup suliffeqarfissuarmi immikkoortut tamaasa suussusersissavai, immikkoortut akileraartarnikkut inissisimanerannik nalunaarsuissalluni, immikkoortullu tamarmik suliat akuuffigisaat nalunaarsorlugit.

Nunamit nunamut nalunaarusiap akileraartarnermi oqartussaasut transfer pricingimik aarlerinaatinik naliliinissamut paasissutissanik annertusisanik atugassissavai, assersuutigalugulu suliffeqarfissuup isertitanik nunanut isertitanik pilersitsiviunngitsunut nuussisimanerannik akileraartarnermut oqartussaasut misissuisinnaanerit ajornaannerulersissallugu.

Nunamit nunamut nalunaarusiaq Kalaallit Nunaannut iluaqutissartaqarpoq, taamaalillunimi Kalaallit Nunaat suliffeqarfissuit nunani allaneersut Kalaallit Nunaanni ingerlataqartut pillugit paasissutissanik pissarsisinnaavoq. Akerlianilli kaaviiartitanik piumasaqaatip kalaallit suliffeqarfissuisa ikittuinnaat (ataaseq marlulluunniit) Kalaallit Nunaanni nunamit nunamut piumasaqaammik taamaattumik sananissamut pisussaaffilerneqassasut naliliutaavoq.

Aallaavittut suliffeqarfiup piginnittuusup Kalaallit Nunaanni angerlarsimaffeqarnerani pisussaaffik atuuppoq. Pisussaaffimmittaaq aamma suliffeqarfiup suliffeqarfissuarmi nunani tamalaani ingerlatsisup ilaata Kalaallit Nunaanni sulianik ingerlataqarnerani ilaasinnaavoq, Kalaallillu Nunaat nunamit nunamut nalunaaruteqartarneq pillugu isumaqatigiissutit malitsigisaannik nunamit nunamut nalunaarummik pisinnaasarnani.

Nunani allani akileraartarnikkut oqartussaasunik nunamit nunamut nalunaarusianik paarlaateqatigiittarnissamik isumaqatigiissuteqarnissaq siunertarineqarpoq. Taamaalillunilu Kalaallit Nunaanni suliffeqarfissuit ingerlatsisut pillugit akileraartarnermut ingerlatsiviit nunamit nunamut nalunaarusianik pissarsisinnaalissapput.

Naalackersuisut § 114 naapertorlugu akileraartarnermut tunngasunik paasissutissanik paarlaateqatigiittarnissamik naalagaaffinnik allanik illuatungeriilluni isumaqatigiissutinik isumaqatigiissusiorsinnaapput, tassani ingerlaavartumik paasissutissanik paarlaateqatigiittarnerit ilanngullugit. Kalaallit Nunaata nunamit nunamut nalunaarusianik paarlaassisinnaanerani, nunap allap nalunaarusianik isertuussinissamik pisussaaffilerneqarnera tunngavissaatinneqarpoq.

Nunamit nunamut nalunaarusianut, Kalaallit Nunaanni akileraartarnermut ingerlatsiviit tigusartagaannut tunngatillugu, akileraaruserinermik ingerlatsineq pillugu Inatsisartut inatsisaanni § 9 naapertorlugu, akileraaruseriffiit paasissutissanik akileraaruserinermi ingerlatsiviup inuit inatsisillu isaanni inuit aningaasaqarnikkut atugaannut il.il. ataatillugu nipangiussilluinnarnissamik pisussaaffeqarput.

Paasissutissanik isumannaallisaanermi unioqqutitsisoqarneranut atatillugu, paasissutissanik ingerlatsitsinermut pineqartoq tamatuminnga ilissimatissallugu pisussaaffeqarput, taamaalilluni suliffeqarfiup il.il. soqutigisani ingerlallugillu immaqa qularnaarinernik suliaqarsinnaaqullugu.

Siunnersuummi aalajangersakkat qallunaat inatsisaannik toqqammaveqartut EU-p maleruagassai OECD-llu atuutilertitsinissamut kaammattuutai tunuliaqutaralugit suliarineqarput. Aalajangersakkat nunat tamalaat akornanni maleruagassanut, OECD-p BEPS-imik suliniutaata malitsigisaanik pilersunut naapertuunnissaannik qulakkeerinissaq siunertaavoq.

Siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Siunnersuut</i>
	<p style="text-align: center;">§ 1</p> <p>Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, ilaatigut Inatsisartut inatsisaanni nr. 11, 15. november 2007-imeersumi, Inatsisartut inatsisaanni nr. 20, 18. november 2010-imeersumi, Inatsisartut inatsisaanni nr. 9, 3. december 2012-imeersumi,</p>

	<p>Inatsisartut inatsisaanni nr. 37, 9. december 2015-imeersumi, Inatsisartut inatsisaanni nr. 29, 28. november 2016-imeersumi, Inatsisartut inatsisaanni nr. 18, 26. juni 2017-imeersumi kiisalu kingullermik Inatsisartut inatsisaanni nr. 48, 23. november 2017-imeersumi allangortinneqartumi, tulliuuttut allannguutigineqarput:</p>
<p>§ 3 <i>Imm. 3.</i> Selskabinik suliffeqarfinnullu, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu aatsitassanik iluaqutiginninniarsinnaanermut imaluunniit erngup nukingata innaallagissiornermut atorneqarnera pillugu Inatsisartut inatsisaat naapertorlugu akuersissuteqarfigineqarsimasunik akileraarusersuineq, aatsitassarsiornissamut pisinnaatitaaffeqalersup akuersissutaani aalajangersakkat malillugit, atorunnaassaaq.</p>	<p>1. § 3, imm. 3, ima oqaasertalerneqassaaq: ” <i>Imm. 3.</i> Ingerlatseqatigiiffinnik suliffeqarfinnullu, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu aatsitassanik iluaqutiginninniarsinnaanermut, erngup nukingata innallagissiornermut atorneqarnera pillugu Inatsisartut inatsisaat naapertorlugu aamma niuerneramik tunngaveqarluni sikumik imermillu iluaquteqarsinnaaneq pillugu Inatsisartut inatsisaat naapertorlugu akuersissuteqarfigineqarsimasunik akileraarusersuineq, pisinnaatitaaffeqalersup akuersissutaani aalajangersakkat malillugit atorunnaassaaq.”</p>
	<p>2. § 3-mi, imm. 4-tut ilanngunneqassaaq: ” <i>Imm. 4.</i> Kapitali 4 a naapertorlugu soraarnerussutisiaqalernissaaq siunertarlugu ileqqaakkat aamma soraarnerussutisiaqalernissamut aningaasaateqarfinni soraarnerussutisiaqalernissamut aaqqiissutini, § 1, imm. 1, nr. 9-imi taaneqartutut, iluanaarutinit</p>

	<p>akileraarusersorneqassanngillat §§ 86-87 naapertorlugu ingerlatseqatigiiffinit kattuffinnillu Kalaallit Nunaanni najugaqartunit tiguneqartut. Akileraartussaataasut kapitali 4 a naapertorlugu soraarnerussutisiaqalernissaq siunertaralugu ileqqaagallit, aningaaserivimmik isumaqatigiissuteqarnikkut akileraartussaataasooq sinnerlugu iluanaarutinik akileraarutit unerartinneqartut utertinneqarnissaat pillugu § 90 naapertorlugu aningaaserivik qinnuteqartissinnaavaat.”</p>
	<p>3. § 23, imm. 2-mi, nr. 5-itut ilanngunneqassaaq: "5) Aquuteralammik, umiatsiaaqqamik angallammik 8 metri ataalluguluunniit (takissusia tamaat) takissusilimmik inuussutissarsiuutigalugu aalisariummut atugassamik pisinermi aningaasartuutit imaluunniit pisinermi akip 100 procentia tikillugu. Aquuteralammut ataatsimut pisiarinqartumut aningaasartuutit ukiumi isertitaqarfiusumi ataasermi taamaallaat nalikilliliisoqarsinnaavoq. Aalajangersakkami imm. 1 atuutissappat makku tungavigineqassapput: a) angallat inuussutissarsiuutigalugu aalisarnermut atorneqassaaq aammalu akileraartussaataasooq sinerissamut qanittumi inuussutissarsiorluni aalisarnissamut akuersissuteqassalluni, imaluunniit b) angallat takornariartitsinermut</p>

	<p>attartortitsilluniluunniit angallassinermut atatillugu ilaasunik angallassinissamut akuersissuteqassaaq aammalu ukiumi isertitaqarfiusumi akileraartussaataitaasoq takornariartitsilluni attartortitsilluniluunniit angallassinermut taamaattumit 50.000 kr.-it taakkuluunniit sinnerlugit isertitaqartutut ukiumoortumik nalunaarsuisimassaaq</p>
<p>§ 23</p> <p><i>Imm. 3.</i> Namminersorluni inuussutissarsiornermik ingerlataqartut imm. 1-mi taaneqartut nalikillilerneqarsinnaasunut aningaasartuutunik aammalu pigisanut nalilinnut il.il. imm. 2, nr. 3-mi 4-milu taaneqartunut kontomik ataatsimut naatsorsuiffiusussamik naatsorsuuteqassapput. Ukiumi nalikilliliissutit ukiup aningaasarsiorfiusup naanerani nalikillilerneqarsinnaasup nalinga tunngavigalugu nalikilliliissutigineqartassapput. Nalusoq taanna ukiup aallartinnerani naliusup nakilliliissutaasinnaasutut aningaasartuutunik imaluunniit ingerlatsinermut atortut il.il. pissarsiarinerani nalinginik ilallugit naatsorsorneqartassapput, taakkua ukiumi aningaasarsiorfiusumi pissarsiarineqarsimappata, aammalu ukiumi ingerlatsinermut atortut il.il. ukiumi aningaasarsiorfiusumi tuninerini nalinginik kiisalu imm. 2, nr. 4 naapertorlugu nalikilliliissutaasunik ilanngaateqartillugit. Pitsanngorsaatitut aningaasartuutit pissarsinermi naliusutut suliarineqartassapput. Ukiup aallartinnerani nalusoq tassaavoq ingerlatsinermut atortut il.il. ukiuni siusinnerusuni pissarsiarinerisa nalingi aammalu aningaasartuutit nalikilliliissutunik ilanngareerlugit nalingat.</p> <p><i>Imm. 4.</i> imm. 2, nr. 3-mi aamma 4-mi pigisanik taaneqartunik tunisinikkut naliusut nalikilliliissutigineqarsinnaasup sinnera qimmussimappassuk, nikingassut naatsorsugaq ukiumi aningaasarsiorfiusumi tassani isertitatut ilanngunneqassaaq.</p>	<p>4. § 23, <i>imm. 3-4</i>, ima oqaasertalerneqassaaq: " <i>Imm. 3.</i> Namminersorluni inuussutissarsiornermik ingerlataqartut imm. 1-mi taaneqartut nalikillilerneqarsinnaasunut aningaasartuutunik aammalu pigisanut nalilinnut il.il. imm. 2, nr. 3-5-mimi taaneqartunut kontumik ataatsimut naatsorsuiffiusussamik naatsorsuuteqassapput. Ukiumi nalikilliliissutit ukiup aningaasarsiorfiusup naanerani nalikillilerneqarsinnaasup nalinga tunngavigalugu nalikilliliissutigineqartassapput. Nalusoq taanna ukiup aallartinnerani naliusup nakilliliissutaasinnaasutut aningaasartuutunik imaluunniit ingerlatsinermut atortut il.il. pissarsiarinerani nalinginik ilallugit naatsorsorneqartassapput, taakkua ukiumi aningaasarsiorfiusumi pissarsiarineqarsimappata, aammalu ukiumi ingerlatsinermut atortut il.il. ukiumi aningaasarsiorfiusumi tuninerini nalinginik kiisalu imm. 2,</p>

	<p>nr. 4-5 naapertorlugit nalikilliliissutaasunik ilanngaateqartillugit. Pitsanngorsaatinut aningaasartuutit pissarsinermi naliusutut suliarineqartassapput. Ukiup aallartinnerani naliusoq tassaavoq ingerlatsinermut atortut il.il. ukiuni siusinnerusuni pissarsiarinerisa nalingi aammalu aningaasartuutit nalikilliliissutinik ilanngareerlugit nalingat.</p> <p><i>Imm. 4. imm. 2, nr. 3-5-mi pigisanik taaneqartunik tunisinikkut naliusut nalikilliliissutigineqarsinnaasup sinnera qimmussimappassuk, nikingassut naatsorsugaq ukiumi aningaasarsiorfiusumi tassani isertitatut ilanngunneqassaaq."</i></p>
<p>§ 34. Aningaasarsiat akileraaruteqaataasussat naatsorsorneqarneranni ilanngunneqassanngillat:</p>	<p>5. § 34-mi nr. 20-tut ilanngunneqassaaq: ”20) Uummannap eqqaani ulloq 18. juni 2017-imi innuttaasunut eqqutaasunut Namminersorlutik Oqartussanit ataasiaannartumik tapiissutigineqartut.”</p>
<p>§ 36 b. Akileraartussaataasut § 36 a-mi pineqartut nammineerluni nalunaarummi, § 36 a-mi taaneqartunik inunnik inatsisitigullu akisussaasuusunik aalajangersimasumillu ingerlatsiviusunik illuatungeqarluni niuernikkut imaluunniit aningaasatigut ingerlatitsinerit (nakkutigisaasunik iliuitsit) sueneri annertussusiilu pillugit, paasissutissanik tunniussissapput.</p>	<p>6. § 36 b, imm. 1 ima oqaasertalerneqassaaq: ” Akileraartussaataasut § 36 a-mi pineqartut nammineerluni nalunaaruteqarnermi, § 36 a-mi taaneqartunik inunnik inatsisitigullu pisinnaatitaasunik aalajangersimasumillu ingerlatsiviusunik illuatungeqarluni niuernikkut imaluunniit aningaasatigut ingerlatitsinerit (nakkutigisaasunik iliuitsit) sueneri annertussusiilu pillugit paasissutissanik tunniussissapput.”</p>
<p>§ 36 b Imm. 2, 1. uniffik.</p>	<p>7. § 36 b, imm. 2, 1. uniffik.</p>

<p><i>imm. 2.</i> Akileraartussaataasooq nuussinernut nakkutigisanut akit atugassarititaasullu qanoq aalajangersarneqarnerat pillugu allakkanik suliaqarlunilu toqqortaqaassaaq.</p>	<p>”nuussinernut nakkutigisaasunut” kingorna ivertinneqassaaq”: “taamaattoq imm. 4 takuuk”.</p>
<p>§ 36 b</p> <p><i>Imm. 2.</i> Akileraartussaataasut nakkutigisaasunik iliuutsinut akit piumasaqaatillu qanoq aalajangerneqarsimanerannut allakkatigut uppersaatinik sanassapput toqqortarlugillu. Allakkatigut uppersaatait ukioq naatsorsuuseriffiusup suliami pineqartumi attuumassuteqartup naaneraniit ukiuni tallimani isumannaatsumik toqqortarineqassapput. Allakkatigut uppersaatait akileraartarnermi oqartussaasut qinnuteqarneratigut tassunga takutinneqassapput, imaattuusariaqarlutillu akit piumasaqaatillu, iliuutsit illuatungeriit attaviitsuusut akornanni naammassineqarsimagaluarunik atuuttuusimasussanut naapertuunnersut naliliinissamut tunngavissaasinnaassallutik.</p>	<p>8. § 36 b, <i>imm. 2</i>, uniffiit 4-6-issaanni ivertinneqassaaq: ” Allakkatigut uppersaatait paasissutissanik toqqorsivinnit misissuinerneersut, aatsaat akileraaruserinermut ingerlatsivia tamanna pillugu piumasaqarpat suliarineqartassapput, minnerpaamillu ullunik 60-nik periarfissiisoqartassaaq. Nuussinernut nakkutigisanut annertussutsimikkut akulikissutsimikkullu pisariaqanngitsunut allakkatigut uppersaatinik suliaqartoqartassanngilaq. Allakkatigut uppersaatait imarisaat pillugit Naalakkersuisut maleruagassanik aalajangersaasinnaapput.”</p>
	<p>9. § 36 b, <i>imm. 4-5</i> ivertinneqassapput: ” <i>Imm. 4.</i> Akileraartussaataasut, kisimiillutik suliffeqarfissuakkulluunniit imminnut attuumassuteqartut, takuuk § 36 a imm. 4, 250 ataallugit sulisoqartut aamma ukiumut katillugit 125 mio. kr-inik naatsorsuutitigut oqimaaqatigiissitaqartut imaluunniit ukiumut 250 mio. kr-t ataallugit kaaviiartaqartut, imm. 2, 3-5 uniffik suli atuutsillugu, taamaallaat allakkatigut uppersaatinik sanallutillu toqqortaqaartassapput makku qanoq akii taakkunungalu atugassarititaasut</p>

	<p>aalajangersarneqarnerat pillugu</p> <p>1) Inunnut pappiaqqatigullu inunnut nunani allaneersunut nakkutigisanik nuussinernut, takuuk § 36 a, imm. 6, Kalaallilu Nunaata naalagaaffiullu allap pineqartup akornanni marloqiusamik akileraannginnissamut isumaqatigiissuteqarfiunngitsunut.</p> <p>2) Nuussinernut nakutigisanut nunani allani aalajangersimasumik ingerlatsiveqartuni, , takuuk § 36 a, imm. 6, Kalaallilu Nunaata naalagaaffiullu allap pineqartup akornanni marloqiusamik akileraannginnissamut isumaqatigiissuteqarfiunngitsunut.</p> <p>3) Nuussinernut nakkutigisanut Kalaallit Nunaanni aalajangersimasumik ingerlatsiveqartuni, tassani akileraartussaataitaasoq, § 36 a, imm. 1, nr. 5 naapertorlugu naalagaaffimmi aallami Kalaallit Nunaannik marloqiusamik akileraannginnissamik isumaqatigiissuteqanngitsumi angerlarsimaffeqarnera toqqammavissaatillugu.</p> <p><i>Imm. 5.</i> Imm. 4-mi annertussutsinut killiliussani pappiaqqatigut inuit akileraartussaataitaasumut suliffeqarfissuakkut attuumassuteqartut, takuuk § 36 a, imm. 4. Ataatsimut oqimaaqatigiissitsinermik naatsorsuinermi taamaattoq akiitsut akiligassallu akileraartussaataitaasup pappiaqqatigullu inuit suliffeqarfissuakkut attuumassuteqartut kiisalu</p>
--	---

	<p>suliffeqarfissuartigut attuumasunik pappiaqqatigut inunnik akileraartussaataitaasumit pigineqartunit killormullu aningaasatigut agguagarsiat. Kaaviiartitatigut killigitamik naatsorsuinermi akileraartussaataitaasup suliffeqarfissuakkullu attuumasumik pappiaqqatigut inuit akornanni kaaviiartitaqassanngillat.”</p>
	<p>10. § 36 b-mi, imm. 6-12 ivertinneqassapput: ” Imm. 6. Suliffeqarfissuup nunani assigiinningsuni ingerlatseqatigiiffiup suulluunniit piginnittua, akileraartarnikkut § 1, imm. 1, nr 3-8, 10 aamma 12-14 naapertorlugu Kalaallit Nunaanni angerlarsimaffeqartoq, suliffeqarfissuup ukioq isertitaqarfiusoq nalunaarusiorfissaq sioqqullugu katillugit minnerpaamik 5,6 mia kr-inik kaaviiartitaqaruni akileraaruserinermut ingerlatsivimmut nunamit nunamut nalunaarusiamik suliaqassaaq. Nunamit nunamut nalunaarusiaq ukiup isertitaqarfiusup nunamit nunamut nalunaarusiap nalunaarusiarineqarnerani ukiup ulluata kingulliup kingusinnerpaamik qaammatinik aqqaneq marlunnik kingorna tunniunneqassaaq. Imm. 7. Suliffeqarfissuaq piginnittuunngitsoq imm. 6 naapertorlugu nunamit nunamut nalunaarummik tunniussissaaq pissutsit makku atuuppata 1) § 1, imm. 1, nr. 3-8, 10 aamma 12-14 naapertorlugu</p>

	<p>suliffeqarfissuaq akileraarusiisarnikkut Kalaallit Nunaanni angerlarsimaffeqarpat, aamma</p> <p>2) tunngavissaatitaasut ataaseq arlallilluunniit naammassineqarpata:</p> <p>a) Suliffeqarfissuup piginnittuia suliffeqarfissuup nunami angerlarsimaffigisaani nunamit nunamut nalunaarusiamik tunniussisussaatitaanermik pisissaaffeqanngippat,</p> <p>b) nunamit nunamut nalunaarusiat isummaminnik paarlaateqatigiissutigineqarneq ajorput, tamanna Kalaallit Nunaanni pisussaallutik oqartussaasut kiisalu piginnittuittut suliffeqarfiup angerlarsimaffigisaani isumaqatigiissuteqartoqannginnerata nassatarisaanik, naak nunarsuarmioqatigiit akornanni akileraartarneq pillugu paasissutissanik paarlaateqatigiittarnermik isumaqatigiissuteqartoqaraluartoq, imaluunniit</p> <p>c) piginnittuiusup akileraartarnikkut angerlarsimaffigisaani inatsisitigut inissisimanermi kukkusoqartuartarnera, akileraartarnermillu ingerlatsiviup suliffeqarfissuup tassani nr. 1-mut ilaatineqarneranik nalunaaruteqareernerani.</p> <p><i>Imm. 8. Imm. 7, nr. 2-mi</i> tunngavissat ataaseq arlallilluunniit naammassineqarpata, kalaallillu suliffeqarfissuaataat ataatsimit amerlaneruppata, takuuk imm. 7, nr. 1, suliffeqarfissuit suliffeqarfissuarmik ataatsimik</p>
--	--

	<p>imm. 6 naapertorlugu akileraartarnermut ingerlatsivimmut nunamit nunamut nalunaarusiamik tunniussinissamik akisussaasussamik toqqaassapput. Toqqaaneq akileraartarnermut ingerlatsivimmut nalunaarutigineqassaaq, takuuk imm. 10, uniffik siulleg.</p> <p><i>Imm. 9.</i> Suliffeqarfissuaq nunamit nunamut nalunaarusiamik akileraartarnermut ingerlatsivimmut tunniussinissamut pisussaannngilaq, naak imm. 7, nr. 2-mi tunngavissaatitat ataaseq arlallilluunniit naammassineqarsimagaluarpata, suliffeqarfissuaq nunani tamalaani ingerlatsisoq ukiumi isertitaqarfiusumi piginnittutut ingerlatseqatigiiffik akileraartarnermut oqartussanut, piginnittutut ingerlatseqatigiiffik akileraartarnikkut angerlarsimaffigisaanut nunamit nunamut nalunaarusiamik tunniussippat, tunngavissallu tulliuttut naammassineqarpata: 1) Piginnittutut ingerlatseqatigiiffiup nunami akileraartarnikkut angerlarsimaffigisaani nunamit nunamut nalunaarusiamik tunniussinissaq inatsisitigut pisussaaffiuppat. 2) Piginnittutut ingerlatseqatigiiffiup nunami akileraartarnikkut angerlarsimaffigisaani paasissutissanik Kalaallit Nunaannut paarlaateqatigiittarnissamik nunat</p>
--	--

	<p>tamat akornanni isumaqatigiissuteqarpat, oqartussaasullu akornanni isumaqatigiissut naapertorlugu nunamit nunamut nalunaarusiat paarlaateqatigiissutigineqartarpata. 3) Piginnittutut ingerlatseqatigiiffiup akileraartarnikkut angerlarsimaffigisaani inatsisitigut toqqammavigineqartartuni kukkujuartoqartanngippat, akileraartarnermullu ingerlatsiviup kukkujuartoqartarneranik suliffeqarfissuarmut nalunaaruteqanngitsoorsimappat. 4) Inatsisitigut piginnittutut ingerlatseqatigiiffiup akileraartarnikkut angerlarsimaffigisaani, imm. 10, uniffik siulleq naapertorlugu suliffeqarfissuarmut piginnittutut ingerlatseqatigiiffiup inatsisit atuuffianni nunaqqatigisaani, suliffeqarfissuup piginnittutut ingerlatsivittut isigisariaqarneranik nalunaarummik tigusisoqarsimatillugu. 5) Nalunaarummik akileraartarnermut ingerlatsivimmut tunniussisoqarsimatillugu, takuuk imm. 10, uniffiit aappaat. <i>Imm. 10.</i> Suliffeqarfissuarmi nunani tamani ingerlatsisumi imm. 6 naapertorlugu piginnittuittut suliffeqarfik, imm. 7-iluunniit naapertorlugu piginnittutut ingerlatsivik kingusinnerpaamik ukiup isertitaqarfiusup naanerani nunamit nunamut nalunaarusiap tunniunneqarfissaani, nalunaarusiamik tunniussinissamut</p>
--	---

	<p> pisussaaffeqarluni akileraartarnermut ingerlatsivimmut nalunaaruteqassaaq. Suliffeqarfissuarmi nunani tamalaani ingerlatsisuni piginnittutut ingerlatsivik piginnittuittut ingerlatsiviunngippat, tassungaluunniit sinniisutut ingerlatsiviunngippat, piginnittutut ingerlatsivik kingusinnerpaamik ukiup isertitaqarfiusup naanerani akileraaruserinermut ingerlatsivimmut, suliffeqarfissuup akileraartarnikkut angerlarsimaffigisaani, nunamit nunamut nalunaarusiap nunami tunniunneqarfissaani, suliffeqarfissuartut ingerlatseqatigiiffiup sorliup nunamit nunamut nalunaarusiamik tunniussinissamut pisussaaffeqarneranik nalunaaruteqarnissamut pisussaaffeqarpoq. <i>Imm. 11.</i> Imm. 6-10 oqaatsit tulliuttut ima paasineqassapput: 1) Suliffeqarfissuaq: suliffeqarfiit arlallit piginnittumikkut nakkutigineqarnermikkulluunniit imminnut atassuteqartut, taamaalilluni ataatsimut suliffeqarfissuartut ukiumut naatsorsuusiornermut malittarisassat suliffeqarfissuarmut atorneqartut naapertorlugit ukiumut sanasassallutik, imaluunniit suliffeqarfik ataaseq arlallilluunniit aningaasanik nalilinnik niuerfinni nalunaarsorsimappata taamaattunik sanasassallutik. 2) Suliffeqarfissuaq nunani tamalaani ingerlatsisoq: </p>
--	---

	<p>suliffeqarfissuaq akileraartarnikkut inatsiseqarfinni ataatsimi amerlanerusuni suliffeqarfissuarnik ingerlatsisoq.</p> <p>3) Suliffeqarfissuaq ingerlatseqatigiiffik:</p> <p>a) Suliffeqarfissuarmi nunani tamani ingerlatsisumi suliffeqarfissuaq sunaluunniit ataatsimoortumik suliffeqarfissuarmi naatsorsuutini immikkoortutut ingerlatsisoq, imaluunniit suliffeqarfissuaq ataatsimoorussamik naatsorsuusiorsimassagalarpat taamatut ingerlatsisoq, imaluunniit suliffeqarfissuaq ataaseq arlallilluunniit aningaasanik nalilinnik niuerfinni nalunaarsorsimappata.</p> <p>b) Suliffeqarfik sunaluunniit ataatsimoorussamik suliffeqarfissuup naatsorsuutaani suliffeqarfiup annertussusaa pingaaruteqannginneraluunniit pissutigalugu naatsorsuutitut ilanngunneqanngitsoq.</p> <p>c) Suliffeqarfiup aalajangersimasumik ingerlatsivia sunaluunniit litra a-mut b-milluunniit ilaatinneqartoq, tamatumani ukiumut naatsorsuusiordermut imaluunniit akileraarusiinikkut naatsorsuusiordermut imaluunniit avataanit nakkutilliinermut siunertaqartunik tunngatillugu imaluunniit suliffeqarfissuarmi namminermi aqutsinermik siunertaqartumik immikkut ingerlatsivimmut tunngasumut immikkut</p>
--	---

	<p>naatsorsuusiortoqarnerani.</p> <p>4) Piginnittut ingerlatsivik: suliffeqarfissuaq ingerlatsivik, suliffeqarfissuarmi nunani tamalaani ingerlatsisumi toqqammavinnik makkuninnga naammassinnittoq: a) suliffeqarfissuarmi nunani tamalaani ingerlatsisuni toqqaannartumik toqqaannanngitsumilluunniit suliffeqarfissuarnik ingerlatsivinnik ataatsimik arlalinnilluunniit naammaginatsumik sunniuteqartoq, taamaalilluni suliffeqarfik ataatsimoorussamik suliffeqarfissuarmut naatsorsuusiornissamut malittarisassat atuuttut naapertorlugit akileraartarnikkut angerlarsimaffigisamini suliaqarnissamut pisussaaffeqarluni, imaluunniit aningaasanik niuerfimmi nalunaarsorsimaguni taamaattunik suliaqartussaalluni. b) Suliffeqarfissuarmi nunani tamalaani ingerlatsisumi suliffeqarfissuarmik ingerlatsivimmi allamik litra a-mi taaneqartumi toqqaannartumik toqqaannanngitsumilluunniit naammaginatsumik suliffeqarfissuarmut sunniuteqartumik.</p> <p>5) Kaaviaartitat: isertitat suliffeqarfiup nalinginnaasumik ingerlatsineranut atatillugu pilersut, tassani nioqqutissianik tunisineq, sullississutinik tunisineq, akissarsiat, erniat, iluanaarutisiat ajunngitsorsiallu ilanngullugit.</p> <p>6) Sinniisutut piginnittut suliffeqarfissuaq: Suliffeqarfissuaq</p>
--	---

	<p>imm. 8 naapertorlugu nunamit nunamut nalunaarusiamik nunami akileraartarnikkut angerlarsimaffigisamini tunniussisussatut toqqarneqartoq, imm. 7, nr. 2-mi toqqammavissaq ataaseq arlallilluunniit naammassineqarsimappata.</p> <p>7) Pisussaasutut oqartussaasut akornanni isumaqatigissut: inatsisut atuuffiini naapertuuttuni akileraartarnikkut oqartussaasut pisussaasut akornanni nunat tamat akornanni isumaqatigiissut, nunamit nunamut nalunaarusianik nunat pineqartut akornanni tamatigut paarlaateqatigiittarnissamik imaqartoq.</p> <p>8) Nunat tamat akornanni akileraartarnikkut paasissutissanik paarlaateqatigiittarnissaq pillugu isumaqatigiissut: marloqiusamik akileraannginnissamik isumaqatigiissut, nunat tamalaat akornanni isumaqatigiissut imaluunniit nunani tamalaani isumaqatigiissut imaluunniit allaffissornikkut akileraartarnermut suliani ikiuinissaq pillugu isumaqatigiissut sunaluunniit naapertorlugu Kalaallit Nunaata inatsisinillu atuutsitsiffimmi ataatsimi arlalinniluunniit akileraartarnikkut paasissutissanik paarlaateqatigiittarnermik isumaqatigiissutaa, tassani paasissutissanik paarlaateqatigiinnerit tamaasa ilangullugit.</p> <p>9) Inatsisinik atuutsitsiffinni kukkujuarnerit: Kalaallit Nunaanni pisussaasutit oqartussaasunik</p>
--	--

	<p>inatsisinillu ingerlatsivimmi pineqartumi isumaqatigiissuteqartoqarpat, kisiannili paasissutissanik paarlaateqatigiittarneq pissutsinik pisortat oqartussaasut akornanni isumaqatigiissummi aalajangersarneqartunit allamik toqqammaveqartumik atorunaarsitsisoqarsimappat, imaluunniit arlaleriarluni nunanit nunamut nalunaarusianik Kalaallit Nunaannik paarlaassineq pinngitsoorsimappat, suliffeqarfissuup Kalaallit Nunaanni suliffeqarfinnik ingerlatsiffigisaani.</p> <p><i>Imm. 12.</i> Nunamit nunamut nalunaarusiat pillugit Naalakkersuisut maleruagassanik erseqqinnerusunik maleruagassiorsinnaapput.”</p>
<p>§ 47 b, imm. 7, oqaaseqatigiit aappaat. Selskabit peqatigiiffiillu Kalaallit Nunaanni angerlarsimaffeqartut iluanaarutisianik pisassanngortitsisut, tak. § 86, imm. 1 og 2, iluanaarutisianit akileraarutinik unerartitsissanngillat iluanaarutisiat soraarnerussutisiaqarnissaq siunertaralugu ileqqaakkanut tunniunneqarpata.</p>	<p>11. § 47 b, imm. 7-imi, oqaaseqatigiit aappaat atorunnaarsinneqarput.</p>
	<p>§ 2 Inatsisartut inatsisaat 1. januar 2019-imi atuutilissaaq. <i>Imm. 2.</i> Inatsisartut inatsisaat ukiumi isertitaqarfiusumit 2019-imit sunniuteqalissaaq. <i>Imm. 3.</i> Inatsisartut inatsisaanni § 1, nr. 5 ulloq 1. januar 2018-imi atuutilissaaq aammalu ulloq 1. januar 2020-mi atorunnaassalluni.</p>

3. Pisortanut aningaasaqarnikkut allaffissornikkullu sunniutissai

Kalaallit Nunaanni soraarnerussutisiaqalernissamut aningaasaateqarfiit iluanaarutinik

tigusinnermut atatillugu iluanaarutinit akileraarutit ingerlatseqatigiiffinnut Kalaallit Nunaanni angerlarsimaffilinnut tunngasut utertinneqarsinnaanerit pillugu aalajangersagaq ataatsimut isigalugu Nunatta Karsianut annikinnerusumik iluanaarutaassasoq naatsorsuutigineqarpoq. Tamatumunnga pissutaavoq, allannguutip nassatarimmagu iluanaarutinit akileraarutinit iluanaarutit appasinnerusut, taamaallaat soraarnerussutisiaqalernissamut pissarsianit akileraarusersuinikkut iluanaarutinit qaffasinnerusumik ilaannakortumik nalingiissinneqartut, tamatumani kingullertut taaneqartut appasinnerusumik akileraarusersorneqarnerat pissutigalugu. Ungasinnerusooq isigalugu iluanaarutissaraluit annaasat qanoq amerlatigissanersut, tassami qanoq annertutigisumik aningaasaliisoqassanersooq kiisalu aningaasaliissutit taakku soraarnerussutisiaqarnissamut aningaasaateqarfinnut qanoq iluanaaruteqaataassanersut apeqqutaassammata missingerneqarsinnaanngilaq. Siunissaq qaninneq eqqarsaatigalugu iluanaarutisiassanit annaasat 0 kr-iussapput. Soraarnerussutisiaqarnissaq siunertaralugu ileqqaakkat pillugit, siunnersuut taamaallaat allaffissornikkut suliasat killilimmik annertusiallannerinnaanik nassataqassaaq, tassunga atatillugu iluanaarutinit akileraarutit utertinneqarnissaannut siunissami qinnuteqartoqarsinnaalissammat.

Umiatsiaararsorluni aalisarnermik inuussutissarsiuteqarluni aquuterallannut ingerlaannartumik nalikilliliisinnaaneq

Inuussutissarsiornermut aningaasaqarnikkut allaffissornikkullu sunniutissanut immikkoortoq 4-mut innersuussisoqarpoq. Aquuterallannik pisinermi akit ingerlaannartumik nalikillineqarsinnaaneranut periarfissaq tunngavimmigut aningaasarsianit akileraarutinit Nunatta Karsianut iluanaarutinit sunniuteqassanngilaq. Pigisanilli nalilinnik ingerlaannartumik nalikilliliisinnaanerup nassatarisinnaavaa atornerluineq imaluunniit ilanngaateqarsinnaanermik atornerluiniarneq siunertaralugu akileraarutitigut aningaasaliinerit. Taamaattumik pisariaqartinneqassaaq inuussutissarsiutinik ingerlatsisut nakkutigineqarnerulernissaat.

Niuernermik tunngaveqarluni sikumik imermillu iluaqutiginninniarsinnaaneq pillugu Inatsisartut inatsisaat naapertorlugu pisinnaatitaasup akuersissuteqartup akileraartussaataaanginnera

Siunnersuut Namminersorlutik Oqartussanut annikinnerusumik akileraarutitigut isertitaqartitsisinnaavoq, tassani akuersissummi akileraarutinit akiliisussaanginnermut piumasaaqatinit aalajangersaasoqarpat. Siunnersuutip inernerisinnaavaa akuersissutit sukumiinerusumik imarisaat ilusilersornerallu apeqqutaalluni appasinnerusumik qaffasinnerusumilluunniit ataatsimut akileraarusersuineq (government take).

Tamatuma saniatigut siunnersuut pisortanut aningaasaqarnikkut allaffissornikkullu annertunerusumik sunniuteqassasoq naatsorsuutigineqanngilaq.

Ummannap eqqaani pinngortitamik ajunaarnerisuaqarneranut atatillugu Namminersorlutik Oqartussat ataasiaannartumik tapiissutaasa ilaasa akileraaruteqartinnginneqarnerat.

Siunnersuutip tassunga tunngasortaa aallaaviatigut akileraarutitigut iluanaarutinut appariartitsissaaq, ineqarnermut tapiissutinut aningaasartuutit qaffassapput aammalu kommunimi ulluunerani paaqqinnittarfinnut akigititanut atuisut akiliutaat appariaateqalaassallutik. Taamaattumillu siunnersuut pisortanut annertuumik kinguneqassagatinneqanngilaq, tassa ataasiaannartumik tapiissutit pineqarmata aammalu ataasiaannartumik tapiissutit akileraarutaasussaagaluarpata Namminersorlutik Oqartussat tamatumunnga taarsiissuteqarnissami amerlaqataannik ataasiaannartumik akiliuteqaaqqinnissaat ilimagineqarmat.

Nakkutigisamik nuussinert nunamillu nunamut nalunaarusiat

Qaqugukkut nakkutigisamik nuussinernik suliat pillugit misissorneqarlutillu akileraartussaataasumit annertunerusumik uppernarsaasiivigineqartarnissaat pillugit siunnersuut akileraartarnermut ingerlatsiviup aarlerinaatinik naliliinissamut pitsaannerusunik periarfissaqalerlunilu aalajangiisinnaaneramik pitsanngorsaassasoq naatsorsuutigineqarpoq. Nakkutilliineruneq nuussinernillu nakkutigisamik nakkutilliineruneq akileraartarnermut ingerlatsiviup aningaasartuuteqarnerulernissaanik nassataqassasoq naatsorsuutigineqarpoq.

Nakkutigisamik nuussinernik suliniuteqarneq suliffeqarfiillu Kalaallit Nunaanni akileraartanninnerannut akiuiniarluni suliniuteqarneq, soorlu niuernerit attuumassuteqannginnissamik periutsit atornagit pisimatillugit, akileraartarnikkut iluanaaruteqarnerunissamik kinguneqassasoq naatsorsuutigineqarpoq. Makkuli toqqammavigalugit akileraarutitigut iluanaarnerunissap annertussusaa naatsorsorneqarsinnaanngikkallarpoq.

Nunamit nunamut nalunaarusianik paarlaateqatigiittuartalernissaq akileraaruserinermut ingerlatsiviit aningaasartuuteqarnerunerannik nassataqartussatut naatsorsuutigineqarpoq.

4. Inuussutissarsiornermut aningaasaqarnikkut allaffissornikkullu sunniutissai

Umiatsiaararsorluni aalisarnermik inuussutissarsiuteqarluni aquuterallannut ingerlaannartumik nalikilliliisinnaaneq

Aalajangersagaq ukiuni pisiffimmi inuussutissarsiummik ingerlatsisumut akiliisinnaassutsikkut iluaqutaassaaq, tassani aningaasarsiat naatsorsorneranni pisinermi aki tamakkiisumik ilanngaatigineqarsinnaammat, tamanna akileraartussaataanikkut annikinnerusumik sinneqartoortitsissaaq. Periarfissaq atorneqarpat, tamanna aamma isumaqarpoq, ukiuni isertitaqarfiusuni tulliuttuni nalikilliliinernik ilanngaateqartoqarsinnaanngilaq, tamatumani isertitat akileraarutaasussaasut qaffasinequlissallutik. Ukiunut pingasunut tullernut siunnersuut inuussutissarsiummik ingerlatsisup akileraarnikinnerulernissaanik tunngavittut sunniuteqassanngilaq.

Niuernerimik tunngaveqarluni sikumik imermillu iluaqutiginninniarsinnaaneq pillugu Inatsisartut inatsisaat naapertorlugu pisinnaatitaasup akuersissuteqartup

akileraartussaaitaanginnera

Ingerlatseqatigiiffik akileraartussaajunnaarpat, tamanna pisinnaatitaasumut oqilisaataassaaq. Tamatumani aalajangiisuussaaq, government take pillugu atuisinnaanermut akuersissummi suut piunasaqaatigineqarnersut.

Tamatuma saniatigut siunnersuut inuussutissarsiornermut aningaasaqarnikkut allaffissornikkullu annertuumik sunniuteqassasoq naatsorsuutigineqanngilaq.

Nakutigisanik nuussinert pillugit paasissutissat uppersaasiussallu

Nunami namminermi nakutigisanik nuussinernik paasissutissiinnissamik pisussaaffiliilluni annertuliineq, namminersorlutik inuussutissarsiortunut annertunerusumik pisarissersuutaasussat naatsorsuutigineqanngilaq.

Uppersaasiinnissamik piunasaqaat kalaallit suliffeqarfiisa uppersaasiissutinik suliassaannik annertuliissasoq naatsorsuutigineqarpoq, taamaammallu aningaasartuuteqarneruffiussaaq. Ilaatigullu suliat annertussusaata apequtaasarnissaa eqqunneqassamat, suliffeqarfeqqat suliffeqarfissuillu uppersaasiisarnissaat pissaaq, taamaammallu suliffeqarfeqqat, nunani allani suleqatinik nakutigisanik nuussisut uppersaasissarnissaasa oqilisaavigineqarneranik inatsisissatut siunnersuut nassataqassaaq.

OECD-p kaammattuutaanik naapertuuttunik nakutigisanik nuussinernut uppersaasiissutinik atulersitsineq, suliffeqarfinnut annerusunut aningaasartuuteqarnerunissamik nassataqassasoq naatsorsuutigineqarpoq. Suliffeqarfinnilli minnerusunik atuutsitsinnginneq Kalaallit Nunaanni suliffeqarfiit ikittuinnaat annertuumik uppersaasiisarnermut nalunaarutikkut aalajangersarneqartussamat ilaanissaannik nassataqartussatut naatsorsuutigineqarpoq.

Nunami nunamut nalunaarusiat

OECD-p kaammattuutaanut tapiliussatut nunat amerliartortut nunaminni inatsisini nunamit nunamut nalunaarusiortarnissamik piunasaqaateqalernissaat naatsorsuutigineqarpoq. Suliffeqarfissuit nunani tamalaani ingerlatsisut nunatsinni angerlarsimaffeqartut taamaammatt Kalaallit Nunaat nunamit nunamut nalunaarusianik paarlaateqatigiittarnissamik isumaqatigiissuteqarsimatinnagu, ungasinnerusoq isigalugu nunamit nunamut nalunaarutinik nunani ingerlatsivimminni sanasarnissamik piunasaqaateqarfigineqartalissapput. Taamattaarlu piunasaqaat Kalaallit Nunaanni suliffeqarfinnut marluk tikillugit amerlassusilinnut atulissasutut naatsorsuutigineqarpoq. Piunasaqaat suliffeqarfinnut pineqartunut aningaasartuuteqarnerunermik nassataqassaaq.

5. Avatangiisinut, pinngortitamut inuillu peqqissusaannut sunniutissai

Siunnersuut avatangiisinut pinngortitamut imaluunniit inuit peqqissusaannut sunniuteqassasoq naatsorsuutigineqanngilaq.

6. Innuttaasunut sunniutissai

Uummannap eqqaani pinngortitamik ajunaarnersuaqarneranut atatillugu Namminersorlutik Oqartussat ataasiaannartumik tapiissutaasa ilaasa akileraaruteqartinnginneqarnerat.

Ataasiaannartumik tapiissutit taakku akileraaruteqartinneqannginnerat aningaasanik tiguisussap akileraartinneqannginneranik nassataqassaaq.

Siunnersuut innuttaasunut sunniuteqassasoq naatsorsuutigineqanngilaq.

7. Sunniutissat allat annertuut

Siunnersuut annertuunik allanik sunniuteqassasoq naatsorsuutigineqanngilaq.

8. Oqartussaasunik kattuffinnik il.il. tusarniaaneq

Siunnersuut pisortatigoortumik tusarniaassutigineqarpoq 12. juni 2018-imit, tusarniaanermi killigititaalluni 17. juli 2018. Piffissami tassani siunnersuut Naalakkersuisut tusarniaanermut isaavianiippoq.

Nunani tamalaani akileraartarnek pillugu sulinerup takutippaa, nakkutigisamik nuussinerit uppersaateqarnissai pillugit siunnersuummi aalajangersakkanut annertuumik ilanngussisoqassasoq neriuutiginarpoq (§ 36 b). Taamaattumik siunnersuut aaqqissuutaq 13. julimi tusarniutigineqarpoq, 10. august tusarniaanermi akissuteqaammik tunniussivissatut killiliullugu.

Siunnersuut soqutigisaqaqatigiinnut tulliuuttunut nassiunneqarpoq:

SIK, GE (Sulisitsisut), KNAPK, Deloitte, Grønlands Revisionskontor, BK Revision, EY Grønland, BDO, SISA, GrønlandsBanken, Banknordik, Avannaata Kommunua, Kommuneqarfik Sermersooq, Kommune Qeqertalik, Qeqqata Kommunua, Kommune Kujalleq, Inuussutissarsiornermut Nukissiuuteqarnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik.

Tusarniaanermi akissutit makkunanga tiguneqarput:

SIK, GE, Grønlands Revisionskontor, KNAPK, Inuussutissarsiornermut Nukissiuuteqarnermullu Naalakkersuisoqarfik, Deloitte, SISA, Banknordik aamma kommune Kujalleq.

Ataani tusarniaavigisat oqaaseqaataat immikkoortut pingaarnerit aaqqissorlugit naalisagaatsiarlugillu nalinginnaasumik allallugit uteqqinneqarput, Naalakkersuisut oqaaseqaataat uingasunik allanneqarlutik.

Tusarniaanermi akissutit tulliuuttunik allannguinnissamik pissutissiipput:

Sikumik imermillu niuernermik tunngaveqarluni atuineq pillugu Inatsisartut inatsisaat malillugu akuersissutillit akileraartussaanginnerat pillugu.

Inuussutissarsiornermut Nukissiuuteqarnermullu Naalakkersuisoqarfiup (INN) sikumik imermillu avammut niuerutiginninniarluni atuinermut siunnersuutip qulequtaa Sikumik imermillu niuernikkut tunngaveqarluni atuineq pillugu Inatsisartut inatsisaannut allanngortinneqarsimasoq oqaatigaa. Inatsisissatut siunnersuummut il.il. innersuussinerit taamaattumik siunnersuummi matumani aaqqissuuneqartariaqarput. INN-ittaaq oqaatigaa, siunnersuummi maanna aamma Kalaallit Nunaanni niuerfimmi sikumik imermillu niuernermik tunngaveqarluni atuineq ilanngunneqartoq.

Sikumut imermullu siunnersuutip qulequtaata il.il. allanngortinneqarnera ersersinniarlugu siunnersuut allanngortinneqarpoq.

Oqaatigineqassaaq siku imerlu pillugit siunnersuummi aamma maanna nunap iluani niuerfimmi tunisineq ilanngunneqarnera naleqqutinnngitsoqarmat. Tamanna nunap iluani niuerfimmi nioqqutissiortunut unammilleqatigiinnermi atugassarititaasunik assigiinnngitsunik kinguneqarsinnaavoq, tassani ilai nalinginnaasumik akileraartussaataasinnaammata, ilaalu sikumik imermillu nioqqutissiornermik tunngaveqartumik atuineq pillugu Inatsisartut inatsisaat naapertorlugu akuerineqarnikkut akileraartussaataaangissinnaallutik annikinnermillu akileraaruteqartussaasinnaallutik.

Kalaallit Nunaanni soraarnerussutisiaqarnissamut ileqqaakkanit pissarsianit akileraarutit

Siunnersuut SISA-p tapersorsorjaa. SISA-p oqaatigaa, nassuiaatini nassuiarneqartoq, pissarsianit akileraarutit utertinneqarnissaat qinnutigineqartassasoq. Tamanna SISA-p tusaatissatut tiguaa.

Oqaaseqaatit allannguinnissamut tunngavissiinnngillat.

Banknordik isumaqarpoq, siunissami pissarsianit akileraarutit utertinneqarnissaannik qinnuteqartarnissamik allannguneq pisariaqannngitsoq, ullumikkummi suliffeqarfiit aningaasaateqarfimmi soraarnerussutisiaqarnissaq siunertaralugu ileqqaakkanut akiliinermut pissarsianik akileraarusiinnngiinnartussaammata.

Allannguinnermut tunngavilersuutaavoq, soraarnerussutisiaqalernissamut aningaasaateqarfinnut aningaaserivinnilu soraarnerussutisiaqalernissamut ileqqaakkanut inatsisit assigiissaarnissaata kissaatigineqarnera. Allannguinnittaaq akileraartarnikkut nakkutiginninneq eqqarsaatigalugu tunngavilersorneqarpoq. Oqaaseqaatit allannguinnissamut pissutissiinnngillat.

Inuussutissarsiutigalugu umiatsiaararsorluni aalisarnermi aquuterallannik erngertumik nalikilliliisarneq

KNAPK-p tunngavittut periarfissaq tamanna tikilluaqqaa. KNAPK-p oqaatigaa, erngertumik nalikilliliisinaanermut periarfissaq isumaqarsinnaasoq inuussutissarsiornermik ingerlatsisup ukiuni tulliini annikinnerusumik nalikilliliisinaaneranik. Tamatuma nassatarisinnaavaa aalisartut kaaviiartitakitsut akileraarutininik akiliinikipallaarsinnaanerata, taakkulu akilernissaat ajornakusoortissinnaallugu.

KNAPK-li isumaqarpoq, siunnersuutip iluaqutissartai ajoqutissartarisinnaasaata naligigai.

Immikkoortut pingaarutillit KNAPK-p erseqqissarpai. Inuussutissarsiornermik ingerlatsisup, pisinermi aki tamaat ukiuni ataatsimi erngertumik nalikillinerata imaluunniit ingerlatsinermi aningaasanut nalinginnaasunut malittarisassat malillugit ukiuni arlalinni ukiumut 30 procentimik nalikilliliinerup akornanni toqqaanermi tamanna eqqarsaatigisariaqarjaa. Motoori erngertumik nalikilliliiffigineqarpat, taava ukiuni tulliuttuni motoorimut nalikillileeqqittoqarsinnaanngilaq. Akileraarutininik akiliinikipallaarsinnaaneremut aarlerinaammut atatillugu, siunnersuut ajornaallisarneqartariaqarpoq ukiunilu tulliuttuni akileraarutininik akiliinikipallaarsinnaaneremut aarlerinaat millisillugu, tassanimi tamaat isigalugu erngertumik nalikilliliinerit ukiuni arlalinni nalikilliliinernit ajornannginnerusumik suliarineqarsinnaammata.

Deloittep isumaqatigaa siunnersuut inuussutissarsiornermik ingerlataqartunut akiliisinnaassuseqarnerisa pitsanngoriarnissaanik nassataqassasoq. Deloittep oqaatigaa, tamatumunnga piumasagaataasoq, akileraartussaasup siumoortumik naatsorsuutini allanngortissagai, taamaasillutik Akileraarutit-B-t annertussusaat erngertumik nalikilliliinerup sunniutaanut naqqiissammata.

Oqaaseqaatit allannguinnissamut pissutissiinnngillat.

Deloittep tupigaa siunnersuut inuussutissarsiorluni aalisarnermut kisimi atuummat. Deloitte isumaqarpoq siunnersuut inuussutissarsiornermik ingerlatsisunut allanut ass. takornariaqarnermik inuussutissarsiorlunut aamma atuuttariaqartoq, inuussutissarsiummi taanna aamma piffissap ilaani tunngaveqarmat kiisalu akitsuutininik akiliiffiusarluni, ass. tammajuitsussanik aallaaniarnermi akitsuutitigut. Deloittep ilaatigut innersuussutigaa inatsisit ajornanngitsuusariaqarnerata, inuussutissarsiuqartullu akornanni immikkoortitsissanngitsoq.

SIK-p eqqumiigaa siunnersuummi umiatsiaaqqamik inuussutissarsiorlutik aalisartut kisimik pineqarnerata. Inuussutissarsiorlut allat, umiatsiaaqqanik atuisut, erngertumik nalikilliliivigineqarnissamut assigsumik pisariaqartitsisinnaapput.

Inuussutissarsiutigalugu aalisarnerup saniatigut siunnersuut takornarianik angallassinermik attartortitsillunilu angallassinermik ilalerlugu siunnersuutip annertusarneqarnissaanut tusarniaanermut akissutit allannguinnissamik Naalakkersuisut aalajangiinissaannut tunngavissiiingillat. Inuussutissarsiutit taakku ukiup ilaannaani ingerlanneqartarput. Aammattaaq inuussutissarsiutigalugu aalisarnermi aquuteqaralammik taarsiinissamut periarfissat takornariartitsinermik attartortitsillunilu angallassinermik inuussutissarsiutilinnut aamma atuupput.

Aningaasarsianik akileraarutit pillugit Inatsisartut inatsisaata allannguutissaatut siunnersuutigineqartut Kommune Kujalliup isumaqatigai. Kujalliup oqaatigaa, siunnersuummut nassuiaatini ersittoq, ilaatigut akileraartarnikkut aningaasaliisarnerit aarlerinaataat pinaveersaartinniarlugu inuussutissarsiornermik ingerlataqartut nakkutigineqarnerunissaannut pisariaqartitsisoqarsinnaasoq. Kujalliup takujuminaatsippaa, tamanna qanoq sulinermi pisinnaanersoq, nassuiaatillu itisilerneqarnissaat kissaatigalugu.

Oqaaseqaatip pissutissippaa siunnersuummut aningaasaqarnikkut kinguneqaatissat nassuiarneqarneranni maanna allassimalermat, erngertumik nalikilliliisinnaaneq nalikilliliisarnermi inatsisinik atornerluisinnaanermut aarlerinaatip annertunerulerneranik kinguneqarsinnaanera. Nakkutilliineq taanna, nassuiaatini innersuussutigineqartoq, maanna nalinginnaasumik akileraartarnikkut nakkutiginnittariaatsinit iliuutsinillu allaanerussuteqanngilaq.

Nuussinernik nakkutigineqartunik nammineerluni nalunaarsuineq il.il. – § 36 b-mut allannguutit.

Grønlands Revisionskontor aamma GE pingaarnertut isumaqarput siunnersuummi aalajangersagaq allaffissornikkut annertunerusumik suliakkersuinermik nassataqartoq, taamaasillunilu inuussutissarsiorfimmuut aningaasartuutaassalluni. Tusarniaavigisattaq isumaqarput, akileraartarnermik nakkutiginnineq eqqarsaatigalugu siunnersuut annikitsuararsuarmik isumaqassasoq imaluunniit naleqassasoq. Taamaattumik siunnersuut pillugu inuussutissarsiornermi aningaasartuutissat kiisalu inuiaqatigiinnut iluaqutissatut naatsorsuutigineqartut akornanni ataqatigiittoqanngilaq.

Nuussinerit taakku nammineq nalunaarutigisarnissaasa pisariaqassusaa Deloittep apeqqutigaa. Deloittep erseqqissarpaa ilaatigut, naatsorsuutini allattuineq pillugu inatsimmi malittarisassat naapertorlugit nuussinerit taama ittut uppersarnerneqarnissaannut toqqorneqarnissaannullu pisussaaffik atuummat. Deloitte aamma aperivoq minnerpaamik nuussinerit suut nammineq nalunaarutigineqassanersut uppersarnerneqassanersullu killiliussaqaarnersoq.

Grønlands Revisionskontor-ip ilaatigut eqqumaffigeqquaa, inuussutissarsiornermik ingerlatsisorpassuit aningaasaqarnermut aqutsinermik atortuminni aaqqissimangikkaat

illuatungeriit nakkutigisat akornanni nuussinerit nalunaarsorneqartarnissaat. Suliaq tamanna taamaasilluni nammineq suliarineqartariaqartassasoq.

Grønlands Revisionskontor aamma GE isumaqarput, § 36 b, imm. 1-imik allannguineq siunenrsuummit peerneqartariaqartoq. Ilaatigut innersuussutigineqarpoq, aalajangersagaq pisariaqanngitsoq, pingaarutilimmik tunngavilersuinani aamma kimulluunniit naleqarnani´.

§ 36 b-mut tusarniaanermi akissut qulaaniittoq siunnersuummut siullermut, 17. juli 2018-imi kingusinnerpaamik tusarniaanermi akissuteqarfiusussamut tunngavoq, tassani allannguutip imatuaralugu 36 b-mi illuatungeriit, Kalaallit Nunaanniittut akornanni nuussinernik ilanngussisoqarnissaa. (Aalajangersakkani atuuttuni taamaallaat pineqarput nunani allaniittunut illuatungiusunut nuussinerit).

Tusarniaavigisat oqaaseqaataat allannguinessamut pissutissiinngillat. Siunnersuummut iluarsisamut oqaaseqaatit matuma kingulianiittut innersuussutigineqarput.

Siunnersuut iluarsaataq tusarniaassutigalugu nassiunneqareerpoq. Tusarniaanermi akissuteqarnissamut killigitinneqarpoq 10. august 2018.

Siunnersuummi iluarsaatami inatsimmi § 36 b-mut oqaasertat kiisalu inatsimmut nassuiaatit malunnartumik ilaneqarput itisilerneqarlutillu. Aalajangersakkat tunngaviat siunertaallu nassuiarneqarput. Peqatigitillugu siunnersuutip sunniutissat naatsorsuutigineqartut nassuiarneqarput.

Aamma siunnersuutigineqarpoq, uppersaanissamut, suliffeqarfinit suliarineqartussamut piumasaqaatit Naalakkersuisut nalunaarutigut aalajangersaaviginissaanut piginnaatinneqassasut. Siunnersuummut nassuiaatini nassuiarneqarpoq, OECD-p innersuussutaanut naleqquttunik uppersaanissamut piumasaqaatinik saqqummiussisoqarnissaa naatsorsuutigineqassasoq. Naalakkersuisut aamma piginnaatinneqarput, nuussinernut uppersarneqartussaangitsunut minnerpaamik piumasaqaatinik aalajangersaassallutik.

Aalajangersakkanittaaq ilanngussisoqarpoq, suliffeqarfinnut minnerusunut uppersaanissamik piumasaqaateqarnermik oqilisaataasussamik. Uppersaanissamik piumasaqaateqarnermik oqilisaataaneq isumaqarpoq, suliffeqarfiit minnerit illuatungerisanut nunani allaniittunut nuussinerit taamaallaat uppersartassagaat, taamaasilluni Kalaallit Nunaat marloqiusamik akileraartussaannermik isumaqatigiissuteqarnani.

Peqatigitillugu suliffeqarfissuarnik nunani assigiinngitsuni ingerlatsisunut nunamit nunamut nalunaarusiortarnissamut piumasaqaammik ilanngussisoqarpoq.

Siunnersuummut iluarsisamut atatillugu tusarniaanermut akissutit ukunanit tiguneqarput:

Sulisitsisut (GE) aamma Kommune Kujalleq.

Kommune Kujalleq siunnersuummut oqaaseqaateqanngilaq.

Tusarniaanermut akissutertik ulloq 16. juli 2018-imi tusarniaanermut akissutiminut taartaasoq kiisalu siunnersuut tamaat isigalugu Sulisitsisunit oqaaseqarfigineqartoq Sulisitsisut oqaatigaat.

Ilisimatitsissutigineqassaaq GE-mit tusarniaanermut akissutaaqqaartoq ilannguteqqinneqarlunilu siuliani akissuteqarfigineqarmat.

Umiatsiaararsorluni inuussutissarsiutigalugu aalisarnermi nalikilliliinermut malittarisassat allannguutaannut tunngatillugu GE-mit oqaatigineqarpoq inuussutissarsiutinik ingerlataqartut ilaannaat akileraarutitigut siunnersuutikkut iluaqutissinneqartut, tamannalu inuussutissarsiutinik ingerlataqartut sinnerisa pilliutiginerisigut pisoq.

Nunatsinni inuussutissarsiutit ataasiakkaaginnaat pinnagit inuussutissarsiornermik ingerlataqartunut tamanut iluaqutaasussamik allannguutissat GE-mit tapersorsorneqarput. Aammattaaq aquuterallannik nalilikiliinissaq eqqarsaatigalugu inuussutissarsiutigalugu umiatsiaararsorluni aalisarnerup salliutinneqarnissaanut tunngavissaqanngitsoq GE-mit oqaatigineqarpoq.

Nalikilliliinerit eqqarsaatigalugit namminersorlutik inuussutissarsiortut ikiorneqarnissaat kissaatigineqarpat tamanna siammasinnerusumik isiginnilluni pingaartumillu suliffeqarfiit nutaat killilimmik isertitallit isiginiarlugit pisariaqartoq GE isumaqarpoq.

Inuussutissarsiummik ingerlataqartut allat pilliutigalugit umiatsiaararsorluni aalisartut salliutinneqartariaqanngitsut GE isumaqarpoq. Aalajangersagaq taanna Naalakkersuisunit taamaatiinnarneqartariaqartoq tamatumunngalu taarsiullugu akileraarutitigut annertunerusumik iluarsartuussinissamik siunnersuummi siunertarineqartoq salliutinneqartariaqartoq GE isumaqarpoq.

Oqaaseqaat allannguinnissamut tunngavissinngilaq. Oqaatigineqassaaq tamanna pillugu aalajangersagaq tusarniaanerup kingorna annertusarneqarmat, taamaalillunilu attartortitsilluni takornarianillu angallassinermut aamma atuutsinneqalerluni. Inuussutissarsiutinik ingerlataqartunut allat pitsaannginnerusumik atugassaqalernissaannik aalajangersakkat nassataqassanngillat. Aammattaaq Deloitte SIK-llu tusarniaanermut akissutaannut akissutigineqartut siulianiittut innersuussutigineqarput.

Nammaqatigiinnissamik siunertaqarneq aallaavigalugu umiatsiaararsorlutik aalisartut qulakkeeriviginiarneqarpata pigisat nalillit isiginiarneqartussat annertusineqartariaqartut GE

isumaqarpoq, taakku aningaasarsianit akileraarutit pillugit Inatsisartut inatsisaanni § 23, imm. 2, nr. 4 malillugu ingerlaannartumik 100.000 kr.-inik nalikilliliivigineqarsinnaallutik, taamaalillunilu pigisat nalillit § 23, imm. 2, nr. 3-mi taaneqartut kisimik tamatumunnga ilaatinneqarnatik. Tamatumunnga taarsiullugu § 23, imm. 2, nr. 1 aamma 2-mi pineqartunut pigisat nalillit attuutsinneqalerlutik annertusaasariaqartoq isumaqartoqarpoq.

Oqaaseqaat allannguinnissamut tunngavissiinnigilaq. Tamatuma saniatigut oqaatigineqassaaq § 23, imm. 2, nr. 1 aamma 2-mi pineqarmata illutat, attavilersuutit, angallatit timmisartullu, taakku pisiarineranni 100.000 kr.-it sinnerlugit akeqartut. Aammattaaq tamatumani pineqarnerusarput pigisat nalillit sivilisunerusumik atasinnaasut. Akileraarutitigut nalikilliliinerit pigisap nalillip qanoq sivilisutigisumik atasinnaanera malillugu akileraartarnikkut nakilliliisoqartarnissaa suli naapertuuttutut isigineqarpoq, pisoqaliartornerat ilutigalugu naatsorsuutitigut nalikillilerneqartassalluni.

Sermimik imermillu suliniutit akileraaruteqartinneqanninnissaannik siunnersuut isumalluarnerusooq GE isumaqarpoq.

Nunatsinni aningaaserivinni soraarnerussutisianik ileqqaakkat soraarnerussutisiassanillu nunatsinni ileqqaarfinni ileqqaakkat eqqarsaatigalugit nunatsinni ingerlatseqatigiiffinit iluanaarutinit akileraarutinit malittarisassat assigiiaartinneqartariaqartut GE-mit isumaqatigineqarpoq.

Taamaattorli iluanaarutinit akileraarutip akileraartarnikkut oqartussaasunut akilernerqartarnissaa allaffissornikkut pisarissersuutaassasoq GE isumaqarpoq, taanna malillugu akileraartartoq/soraarnerussutisiassanik ileqqaagaqartoq iluanaarutinit akileraarutinit akilikkaminik utertitsinissamik qinnuteqarsinnaalluni.

Oqaaseqaat allannguinnissamut tunngavissiinnigilaq. BankNordikip tusarniaanermut akissutaanut akissutigineqartoq innersuussutigineqarpoq.

Iluanaarutinit akileraarutit utertinneqarnissaannik qinnuteqaatit ilaasa akuerineqarnissaannut itigartinneqarnissaannullu siunnersuut inatsisikkut tunngavissinneqarsorinartoq GE isumaqarpoq. Tamanna tunngavilersorneqassasoq GE-mit kissaatigineqarpoq.

Tamanna siunertaangippat iluanaarutinit akileraarut ”akileqquneqartussaangitsoq” oqartussaasunut saqqummiuteqqaarneqartariaqanngitsoq, tamatumalu kingorna soraarnerussutisiassanut aqqissuussinermut aningaasat nuunneqarnissaat siunertaralugu iluanaarutinit akileraarummik utertitsinissamik qinnuteqartunut utertinneqarnissaanut tunngavissaqanngitsoq GE isumaqarpoq.

Soraarnerussutisiassanut ileqqaakkanut aqqissuussinernit iluanaarutinit akileraarutinit utertitsinissamik inatsisitigut pisinnaatitaaffeqarneq, tamatumunnga piumasagaatit

equutsinneqarsimappata tamatuma kingunerissanngilaa ingerlatseqatigiiffiit malittarisassanik unioqutitsillutik iluanaarutinit akileraarutininik akiligassanik akiliinngitsoorsinnaanerat. Aalajangersakkat siunertarerpiarpaat iluanaarutinit akileraarutininik akiliinissamik nakkutilliinissamut akileraartarnermik aqutsisoqarfiup periarfissaqarnissaa.

Allaffissornikkut periuseq tamanna attatiinnarneqassappat siunnersuutip nassuiaatillu imminnut naapertuuttariaqartut GE isumaqarpoq. Aningaaseriviit soraarnerussutisiassanullu ileqqaarfiit soraarnerussutisianik ileqqaagaqartoq sinnerlugu iluanaarutinit akileraarummik utertitsinissamik qinnuteqarsinnaasut aalajangersakkamut nassuiaatini allassimasoq GE isumaqarpoq. Akerlianillu inatsisip oqaasertaani allassimalluni aningaaseriviit tassaasut soraarnerussutisianik sullitat sinnerlugit kisimik qinnuteqarsinnaasut.

Oqaaseqaat allannguinnissamut tunngavissinngilaq. Assigiinngissuteqarnerannut pissutaasoq tassaavoq aningaaserivinni soraarnerussutisiassanik ileqqaakkat soraarnerussutisiassanillu ileqqaagaqarfiit akornanni tunngaviusumik assigiinngissuteqartoqarnera.

Soraarnerussutisiassanik ileqqaagaqarnermi ileqqaagaqartut ataasiakkaat pigisat nalillit pigisaraat, taamaalillutillu iluanaarutissaqarsinnaatitaallutik. Taamaattumillu aallaavittut isigalugu soraarnerussutisiassanik ileqqaagaqartoq utertitsinissamik nammineq qinnuteqartussaq. Taamaattorli aalajangersagaq malillugu soraarnerussutisiassanik ileqqaagaqartoq isumaqatigiissuteqarfigalugu taanna sinnerlugu iluanaarutinit akileraarummik utertitsinissamut aningaaserivik qinnuteqarsinnaavoq.

Soraarnerussutisiassanik ileqqaagaqarfimmi soraarnerussutisiassanik ileqqaakkat eqqarsaatigalugit soraarnerussutisiassanik ileqqaagaqartup aningaasaatai immikkut uninngasuutigineqartarput aammalu soraarnerussutisiassanik ileqqaagaqarfimmit ataatsimoortumik aningaasaliissutigineqarsinnaallutik, taamaattumillu iluanaarutinit akileraarutit utertinneqarnissaannik qinnuteqarsinnaatitaallutik.

Illuatungeriit tamarmik nunatsinniittut akornanni nakkutilliivigineqartumik nuussinerit pillugit namminneerlutik nalunaarsuisarnissaannik siunnersuummut atatillugu nunatsinni inuussutissarsiutinik ingerlataqartut aaqqissugaanerat pissutigalugu nunatsinni tamanna suliffeqarfinnut ikittuinnarnut atuutissasoq GE isumaqarpoq.

Pisortat nunatsinni suliffeqarfiit pisortanut atassuteqartut siunnersuummit sunnerneqarsinnaasut eqqarsaatigigaanni siunnersuut malillugu ikittuinnaat siunnerfigineqartut GE isumaqarpoq.

Suliffeqarfiit ikittuinnaat allaffissornikkut pisussaaffii siunnersuutikkut annertusarneqassasut GE isumaqarpoq, taakku piginnittutut aqutsisutullu suliffeqarfiup iluani nakkutilliisariaqarlutillu nakkutilliivigineqarsinnaassammata – aamma pisortat sinnerlugit nakkutilliitinneqarlutik.

Tamatuma saniatigut pisortat ingerlatsiviini sulisunik amigaateqarneq tamannalu pissutigalugu pitsaassutsip pitsaasuunissaa eqqarsaatigalugu – pingaartumik nunatsinni inuiaqatigiinni nalimmassaanerup annertunerpaartaata Danmarkimi ingerlanneqartarnera eqqarsaatigalugu – inatsisip malinneqarnissaata nakkutilliivigineqarnissaanut sulisussaqanngippat nunatsinni suliffeqarfiit pisariaqanngitsumik artukkerneqartariaqanngillat. Taamatullu siunnersuuteqarnermi artukkerneqassallutik.

Siunnersuut nunanut tamalaanut sanilliullugu isiginiassagaanni tamanna suliffeqarfinnut nunatsinni sivikitsuinnarmik ingerlataqartunut nunatsinnili ataavartumik ingerlatsilernianningsunut aamma atuutissasoq naatsorsuutigineqarpoq.

Suliffeqarfiit taakku eqqarsaatigalugit siunnersuummi taamaallaat pineqarput suliffeqarfik nunatsinni suliffeqarfissuartut ingerlatsilluni nunatsinniittoq. Suliffeqarfiit suliniummut aalajangersimasumut atatillugu imaluunniit immikkoortortamik pilersitsillutik nunatsinniikkunik suliffeqarfiup nunani allani qullersaqarfittut/immikkoortortatut allaffeqarfii eqqarsaatigalugit nuussinernik nakkutilliiviginerit kisimik pineqassapput. Taamaassappat tamanna inatsisitigut maleruagassiorneqareerpoq.

Taamaattumillu siunnersuutip siunertaa eqqarsaatigalugu GE paatsuugaqaratarsimassappat ullumikkut pissutsit taamaatsillugit nunarput eqqarsaatigalugu annertunerusumik tamanna tulluartuusorinangilaq – pisortat pisariaqanngitsumik nakkutilliinissamut – tamanna periarfissaqarpat – aningaasartuutaasa annertuseriarnissaat eqqaassanngikkaanni.

Oqaaseqaatit allannguinnissamut tunngavissinngillat. Nakkutigisaasumik nuussinerit imaluunniit nunamit nunamut nuussinerit pillugit nalunaarusiat uppersarsarneqartarnissaat pillugu siunnersuummi aalajangersakkanut GE-p oqaaseqaatai ataasiakkaat attuumassuteqarnersut paasiuminaappoq.

Aalajangersakkat nassatarisaannik nunatsinni inatsit nunani tamalaani akileraartarnermut tunngasutigut ineriartornermut naleqqussaarneqassaaq. Akileraartarnermik aqutsisoqarfiup nakkutilliivigineqartumik nuussinikkut sinneqartoorutit amigartoorutilluunniit iluanaarniarluni inissinneqarsinnaanerit pinngitsoortinniarlugu malittarisassat pitsaanagerusunik sakkussaqaalersitsissapput. Tamanna pisariaqartinneqalersinnaavoq inuussutissarsiornerup ineriartornerani suliffeqarfiit anginerulerneranni, namminersortunit pigineqartut amerlineranni kiisalu aatsitassarsionnikkut ingerlatat amerlanerulerneranni. Tamatuma peqatigisaanik oqimaqatigiittoqarnissaa siunnersuummi anguniarneqarpoq, taamaalilluni suliffeqarfiit mikinerusut artukkiutaasumik akiligasseqqunagit.

Uppersarsaasiinissamik piumasqaammi aamma isiginiarneqarpoq nunanit allamiut nunatsinni aalajangersimasumik ingerlatsiveqarlutik akileraartussaataitanerat. Aallaavittut isigalugu nunamit nunamut nuussinerit pillugit nalunaarusiat taamaallaat ingerlanneqartassapput nunami suliffissuaqarfiup pingaarnertut ingerlatsivigalugu

inissisimaffianit. Nalunaarusiaq nunat akornanni ingerlaannartumik takuneqarsinnaanngorlugu takusassiarineqartassaaq. Taamaattorli suliffissuaqarfik nunanit tamalaanit aqunneqartoq assersuutigalugu Kalaallit Nunaanni aalajangersimasumik ingerlataqartoq nunamit nunamut nalunaarusiortarnissamik piunasaqarfiginissaanik aalajangersakkat nassataqarsinnaapput, tamatumani nunamit nunamut allamut ingerlaannartumik nalunaarusiortarnissaq pillugu suliffissuaqarfik nunamik allamik isumaqatigiissuteqarsimanngippat.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut.

Aalajangersagaq Inatsisartut inatsisaanni § 3, imm. 3-mik allanngortitsineruvoq. Aalajangersagaq atorsinnaavoq, niuernikkut tunngaveqarluni sikumik imermillu iluaquteqarsinnaaneq pillugu akuersissuummi, pisinnaatitaasoq Naalackersuisut piunasaqaataannik aalajangersarneqarpat Namminersorlutik Oqartussanut akissarsisitsissasoq. Aalajangersagaq malillugu Naalackersuisut pisinnaatitaasumut nalunaarutigisinnaavaat aningaasarsianit akileraarutit pillugit inatsit naapertorlugu akileraarutitik akiliisussaanninneq. Akileraarutitik akiliisussaanninneq tamakkiisuusinnaavoq ilaannakortuulluniluunniit, tamatumani pisinnaatitaasup akuersissutaa malinneqassaaq.

Siunnersuut niuernikkut tunngaveqarluni sikumik imermillu iluaquteqarsinnaaneq pillugu Inatsisartut inatsisaanni § 25-mut atatillugu isigineqassaaq.

Akileraaruteqartussaanninneq tamakkiisutut imaluunniit ilaannakortutut nalunaarutigineqarsinnaavoq, matuma ataani piffissami aalajangersimasumi akileraaruteqartussaanninnertut, pissutsinut aalajangersimasunut imaluunniit immikkoortumut aalajangersimasumut atatillugu.

Aalajangersagaq tapertaassaaq, akileraarutitik akissarsianillu, Kalaallit Nunaanni atuinerit ilaannik iluaquteqarsinnaanermut akuersissut naapertorlugu aalajangersarneqartunik akissarsianik akiliinissamut eqaannerusumik unammillersinnaanerusumillu ilusiliamik qulakkeerinninnissamut. Aalajangersagartaaq eqaannerunermut tapeeqataavoq, assersuutigalugu pisinnaatitaasup iluaqutissanik atuinermik aallartisarnerani.

Akuersissut qaangiuppat imaluunniit atorunnaarsinneqarpat akileraartussaanninnermut piunasaqaat atorunnaassaaq.

Naalackersuisut akileraartussaanninnermik piunasaqaatini aalajangersarsinnaavaat, akileraartussaanninneq pisumi aalajangersimasumi atorunnaassasoq, matuma ataani pissutsini, akileraartussaanninnermik aalajangersaanermut imaluunniit atatitsinermut aalajangiisumik pingaaruteqartumik annertuumik allanngortoqarnerani.

Pisinnaatitaasoq inatsisitigut pisinnaatitaasuuppat, tamannalu tamakkiisumik ilaannakortumilluunniit piginnittunut allanut tunniunneqarpat, akileraartussaanninneq atuutiinnassaaq.

Nr. 2-mut

Siunnersuutigineqarpoq § 3, imm. 4-tut nutaatut ilanngunneqassasoq, soraarnerussutisiaqalernissaq siunertaralugu ileqqaakkat aamma soraarnerussutisiaqalernissamut ileqqaakkat Kalaallit Nunaanni soraarnerussutisiaqalernissamut aningaasaateqarfinniittut iluanaarutinit akileraaruteqarfiussanngitsut, tak. § 86-87, ingerlatseqatigiiffinnit Kalaallit Nunaanni angerlarsimaffeqartunit tiguneqartut.

Soraarnerussutisiaqalernissaq siunertaralugu Kalaallit Nunaanni ileqqaakkat § 47 b, imm. 7, oqaaseqatigiit aappaat naapertorlugu ullumikkut iluanaarutinit akileraarfiuneq ajorput. Aalajangersagaq taanna atorunnaassaaq, tassani imarisat maanna aalajangersakkami katersorneqarmata.

Inatsimmi kapitai 4 a malillugu soraarnerussutisiaqalernissamut ileqqaakkat Kalaallit Nunaanni soraarnerussutisiaqalernissamut aningaasaateqarfinniittut imaluunniit soraarnerussutisiaqalernissaq siunertaralugu ileqqaakkat, Kalaallit Nunaanni ingerlatseqatigiiffinnut aktianut il.il. inissinneqarsimasut pineqarput.

Ingerlatseqatigiiffik pissarsititsisut akiliinermi pissarsianit akileraarutit unerartittassavaat. Soraarnerussutisiaqalernissamut aningaasaateqarfik, imaluunniit soraarnerussutisiaqalernissaq siunertaralugu ileqqaakkat pineqartillugit, ileqqaagalik imaluunniit aningaaserivik, tamatuma kingorna pissarsianit akileraarutit akilerneqartut uterteqqullugit akileraaruseriffimmut qinnuteqarsinnaapput.

Aalajangersakkami oqaaseqatigiinni kingullerni aalajangersarneqarpoq, ileqqaagalik aningaaserivimmut isumaqatigiissuteqarsinnaasoq, ileqqaagalik sinnerlugu aningaaseriviup pissarsianit akileraarutit akilerneqartut utertinneqarnissaat qinnutigisinnaagaa. Tamatuminnaga siunertaavoq soraarnerussutisiaqalernissamut ileqqaagaqartut ataasiakkaat allaffissornikkut oqilisaataassasoq.

Nr. 3-mut

§ 23, imm. 2, nr. 5-itut siunnersuutigineqartumi, eqqunneqarpoq periarfissaq, ukiumi isertitaqarfiusumi ataatsimi aquuteralaap ataatsip pisiarinerani akiata 100 procentiusup nalikilliliisinnaanera. Tamanna aquuteralaap pisiarinerani akia apeqqutaatinnagu atuuppoq.

Aalajangersagaq aquuteralannut, umiatsiaaqqamik 8 meterimik ataallugulu takissusilinnik inuussutissarsiutigalugu aalisarluni ingerlataqartunik pisiarineqartunut taamaallaat tunngavoq. Taama periarfissaqarneq taamaallaat inuussutissarsiutigalugu aalisarnermut aammalu inuussutissarsiutigalugu takornarianik angallassinermut umiatsiamillu attartortitsinermut atuuppoq, tak. litra a aamma b.

Umiatsiaaraq inuussutissarsiutigalugu aalisarnermut kiisalu nammineq siunertarisanut atornerqarpat, malittarisassat atuuttut naapertorlugit inuussutissarsiornerinnarmut ilanngaasiisoqarsinnaavoq.

Aquuterallannut kiisalu ikkussuunneranut aningaasartuutitut il.il. aalajangersagaq taamaallaat tunngavoq. Taamaattumik umiatsiap iluani motorinik il.il. pisineq aalajangersakkamut ilaangillat.

Atornerluisoqarnissaa annikillisarinarlugu siunnersuutigineqarpoq killiliisoqarnissaa, tassani akileraartussaataasooq ukiumut ataatsimut aquuterallammik ataatsimik pisineri akip 100 procentianik nalikilliliisinnaalluni. Akileraartussaataasooq aquuterallannik allanik pisineri imm. 2, nr. 3-4-mi malittarisassat naapertorlugit nalikillineqartassapput.

Litra a-mi siunnersuutigineqartumi piumasaqaatit inuussutissarsiutigalugu aalisarnermik ingerlataqartunut akileraartussaataasunut atuuttussatut aalajangersarneqarput. Akileraartussaataasooq aalisarneq pillugu Inatsisartut Inatsisaat malillugu sinerissamut qanittumi aalisarnissamut akuersissuteqassasooq piumasaqaataavoq.

Litra b-mi siunnersuutigineqartumi aalajangersagaq akileraartussaataasunut takornariartitsinerimik angallammillu attartortitsinerimik inuussutissarsiuteqartunut piumasaqaatinut atuuttussatut aalajangersarneqarpoq.

Tamatuma imaatigut isumannaallisaaneq pillugu Kalaallit Nunaannut inatsit pillugu peqqussummi malittarisassat aammalu inatsit taanna aallaavigalugu nalunaarutit malillugit ilaasunik angallassisinnaanermik akuerineqarsimassasooq angallat aquuterallammik ikkussivigineqassasooq piumasaqaataavoq.

Aammattaaq inuussutissarsiummik ingerlataqartup takornarianik umiatsiamillu attartortitsinerimik ingerlataqartoq ukiumoortumik 50.000 kr.-it taakkuninngaluunniit amerlanernik isertitaqartutut nalunaarsuisimassasooq piumasaqaataavoq.

Aalajangersakkami assersuutigalugu ilaatinneqanngillat angallammik attartortitsinerinnarmik ingerlatallit, tassa takornarianik angallassiniaanni angallammilluunniit attartortitsiniaraanni tamatumani piumasaqaataamat angallammik aqutsisooq inummit piginnittumit imaluunniit inummit piginnittup sulisorisaanik ingerlanneqassasooq.

Nr. 4-mut

Siunnersuummi nr. 3-p allanngortinneqarnerata kingunerisaanik aaqqiineq pineqarpoq. Aningaasarsianit akileraarutit pillugit Inatsisartut inatsisaanni § 23, imm. 3-4-mullu atatillugit aalajangersakkat allanngorneqanngillat.

Nr. 5-imut

Uummannap eqqaani ulloq 18. juni 2017-imi pinngortitamik ajunaarnersuaqarnerani innuttaasunut eqqorneqartunut Namminersorlutik Oqartussanit ataasiaannartumik tapiissutit tapiiffigineqartup isertitaasa akileraaruteqaataasussaasut nalunaarsorneqarneranni ilanngullugit naatsorsorneqannginnissaat § 34, nr. 20-p ilanngunneqarneratigut siunnersuutigineqarpoq.

Innuttaasut ilaannut ajunaarnersuaqartoqarneranit eqqugaasunut utertitsinissamik piumasaqaateqarfiunngitsumik taarsiiffigineqarnissaannik Naalakkersuisut aalajangiussaat tunngavigalugu aalajangersakkap ilanngunneqarnissaa siunnersuutigineqarpoq. Ajunngitsorsiassat sullississutillu Namminersorlutik Oqartussanit eqqugaasunut tunniunneqartut allat akileraarutaasussat aalajangersakkami ilaatinneqanngillat.

Nr. 6-imut

§ 36, imm. 1-ip allanngortinneratigut siunnersuutigineqarpoq akileraartussaataasut illuatungeriit tamarnik nunatsinniittut akornanni nuussinernik nakkutillivigineqartunik aamma namminneerlutik nalunaarsuisassasut. Aalajangersakkakut piumasaqaatigineqarpoq akileraartussaataasut nakkutillivigineqarluni nuussinerit pillugit paasissutissanik, namminneerlutik nalunaarsuisassasut, tassungalu ilanngullugu taama nuussinerit pillugit paasissutissanik toqqorsisassasut.

Taamaalilluni siunnersuut malillugu akileraartussaataasooq nunap iluani nuussinerit aammalu naliussasut amerlanernik nuussinerit pillugit uppernarsaasiortassapput taakkulu toqqorsimatittarlugit, taamaalilluni akileraartarnermut ingerlatsiviup piumasaqarneratigut ingerlaannartumik uppernarsaatit tunniunneqarsinnaaqullugit.

Nr. 7-mut

Imm. 4-imut innersuussummik ilanngussinermi uppernarsaasiinermut piumasaqaatinut tunngatillugu suliffeqarfiit minnerusut suliffeqarfissuillu immikkoortinneqarnerisa erseqqissarnissaat siunertaavoq.

Nr. 8-mut

§ 36 b imm. 2-mi uniffiit 4-6 ilassusiineq arlalinnik siunertaqarpoq.

Paasissutissanik toqqorsivimmi misissuilluni uppernarsaasiisarnissat taamaallaat akileraartussaataasumit akileraaruserinermik ingerlatsiviup aatsaat paasissutissat taakku

piumasarippagit suliarineqartassasut siunnersuutigineqarpoq. Taamaattoqarpat akileraartussaataitaasoq taamaattunik suliaqarnissamut ullunik 60-inik minnerpaamik piffissalernerqassaaq.

Tamatuma saniatigut nakkutigisamik nuussinerit annertussutsimikkut akulikissutsimikkullu pisariaqanngitsut uppersaasiinissamik piumasaqaammut ilaatinneqannginnissaat siunnersuutigineqarpoq.

Naggataagut Naalackersuisut allakkatigut uppersaasiissutit imarisai pillugit erseqqinnerusumik maleruagassanik aalajangersaasinnaasut pillugu aalajangersakkamik ilangussisoqassasoq siunnersuutigineqarpoq. Taamattaaq annertussutsit akulikissutsillu naapertorlugit pisariaqanngitsutut suut uppersaasiinermut piumasaqaammit ilaatinneqannginnissaat pillugit erseqqinnerusunik malerugassiorsinnaaneq aalajangersarneqarpoq.

Maleruagassat aalajangersagassatut siunnersuut naapertorlugu aalajangersarneqarumaartussat OECD-p transfer pricingimut malitassiai naapertorlugit aalajangersarneqassasut naatsorsuutaavoq.

Nr. 9-mut

Imm. 4-mut

Aallaavittut § 36 b, imm. 1 naapertorlugu, takuuk § 36 a, akileraartussaataitaasut tamarmik nakkutigisamik nuussinernut tamanut uppersaatinik suliaqartussaapput. § 36 b, imm. 4-mik nutaamik ivertitsinikkut, akileraartussaataitaasut ilaat killilimmik uppersaasiinissamut taamaallaat ilaasussanngortinneqarput.

Suliffeqarfinnut minnerusunut tunngatillugu uppersaasiisussaataitaaneq taamaallaat nakkutigisamik nuussinerit ilaannuinaq atuutissaaq. Suliffeqarfiit minnersut suliffeqarfittut kisimik imaluunniit suliffeqarfissuakkut inatsisit isaannik inunnik 250 inorlugit suliffeqartunut aamma ukiumut katillugit 125 mio. kr-inik naatsorsuutitigut oqimaaqatigiissitsisunik imaluunniit 250 mio. kr-it ataalugit kaaviiartitsisut pineqarput. Taamaalilluni toqqammavissat marluusut naammassineqartussaapput. Toqqammavissaq siulleq, tassa 250 ataalugit sulisoqarnissaq, tamatigut naammassineqarsimasassaaq. Toqqammavissap aappaa suliffeqarfik katillugu ukiumut naatsorsuutitigut 125 mio. kr-it inorlugit oqimaaqatigiissitsilluniluunniit ukiumut 250 mio. kr-it ataalugit kaaviiartitsippat naammassineqarsimassaaq. Oqimaaqatigiissitsinissamik kaaviiartitanillu piumasaqaatit immikkoormata, suliffeqarfiup ukiumi ataatsimi oqimaaqatigiissitsinissamik piumasaqaat naammassisinnaavaa, ukiullu tulliani kaaviiartitanik piumasaqaat naammassisinnaallugu.

Sulisoqarnermut piumasaqaat ukiup isertitaqarfiusup ingerlanerani agguaqatigiissillugu ulloq tamaat sulisut pineqarput. Tamanna ukiumoortumik naatsorsuutinut inatsimmi suliffeqarfiup

naatsorsuusiormi inissisimaffimmi sorlermiinnera pillugu aalajangiinermi atorneqartumut naapertuuppoq, takuuk ukiumoortumik naatsorsuutit pillugit inatsisip Kalaallit Nunaanut atortuulersinneqarnera pillugu Kunngip peqqussutaani § 4. Inuit ukioq kaajallallugu suliffeqarsimangitsut imaluunniit piffissap ilaannaani sulisut, taamaalillutik naatsorsuineri aggornertut ilaatinneqarput.

Oqimaaqatigiissitsineri kaaviiartitanillu kisitsisit pisortatigoortumik naatsorsuutit tiguneqartarput, taakku Kalaallit Nunaani naatsorsuusiormut tunngasuni maleruagassat atuuttut kiisalu nunat nunarsuarmi naatsorsuusiortarneri piumasaqaatinik akuerineqartuni ilaasut naapertorlugit tiguneqartarput. Ukiut oqimaaqatigiissitsineq pigisatut nalilittut oqimaaqatigiissitsineri ilaasutut paasineqartarpoq. Ukiumoortumik kaaviiartitaat ilanngaaseerluni kaaviiartitatut, tunisassiat sullississutillu il.il. tunineqarneranni akiisut, suliffeqarfiup nalinginnaasumik ingerlataata ataani akikilliliinerit momsit akileraarutillu allat tunisineri akimut toqqaannartumik atasut ilanngaatigalugit ilaasutut paasineqartarput.

Siunnersuut naapertorlugu suliffeqarfiit minnerit taamaallaat killilimmik uppersaasiisussaataitanermut ilaatinneqarput, taamaalillutillu aatsaat nuussinerit ilaannaanut alakkatigut uppersaatinik sanasartussaallutik. Suliffeqarfiit minnerusut tamakkiisumik uppersaasiisussaataitanermut ilaatinnginneqarnerat, nuussinerillu ilaat tamatigut uppersaaserneqartussaanerannik piumasaqaateqarneq, uppersaasiinerup tunuliaqutaani tunngavilersuutitut ataqatigiissuteqarpoq. Ilaatigut sulianut tunngatillugu toqqaanermi sakkussat, akileraarusiineri toqqammavissap nuunneqarneranik misissuissamik pisariaqalersitsisoq pineqarsinnaavoq. Taamaammatt siunnersuut aallaavigalugu suliffeqarfiit minnersut suliffeqarfinnut nuussinernut naalagaaffiup nuussiffiup uppersaasiisissamut pisariaqartitsineranik tikkuussinera tunngavigalugu immikkut piumasaqaateqartoqarsinnaavoq.

Suliffeqarfiit minnerusut siullermik inuinnik inatsillu isaanni inunnik nunani Kalaallit Nunaata marloqiusamik akileraartanninnissamik isumaqatigiissuteqarfiginngisaani, nuussinernut atatillugu akinik atugassarititanillu aalajangersaanerit allakkatigut uppersaatinik suliaqarlutillu toqqorsisassapput.

Aappassaattut ingerlatsivimmit aalajangersimasumit nunami Kalaallit Nunaata marloqiusamik akileraanninnissamik isumaqatigiissuteqarfiginngisaani inissisimasumiittumi nakkutigisanik nuussinernut akit atugassarititaasullu aalajangersarneqarnerannut tamatigut allakkatigut uppersaasiortullu taakkuninnga toqqortaateqartassapput. Aalajangersakkami assersuutigalugu kalaallit suliffeqarfiata nunanilu allani aalajangersimasumik ingerlatsiviani nunami akileraarnaveersaarfiusumiittumi inissisimasup akornanni nuussinerit ilaatinneqarput.

Pingajussaattut suliffeqarfiit minnerusut nunami Kalaallit Nunaannik marloriaammik akileraanninnissamik isumaqatigiissuteqanngitsumi angerlarsimaffeqartumiittut tamatigut Kalaallit Nunaanni inissisimasumut ingerlatsivimmut nakkutigisanik nuussinernut tamanut

akit atugassarititaasullu aalajangersarneqarnerat pillugu allakkatigut uppernarsaatinik sanallutillu toqqortaqartassapput.

Suliffeqarfissuit iluanni nuussinernut allanut tunngatillugu piumasaqaatit nalinginnaasumik aallaavinnut naapertuupput, tassa suliffeqarfik akileraarutininik naatsorsuinerminut atatillugu akileraartarnermut ingerlatsivimmumut paasissutissanik nuussinernit attuumassuteqannginnissamik piumasaqaatinik naliliinissamut pisariaqartuninik tunniussisarnissaa. Tamatuma saniatigut suliffeqarfiit minnersut aamma akileraartarnermut oqartussaasunut nunani allaniittunut akinik aalajangersaanerit pillugit paasissutissat pillugit isumaqatigiissutiminnik takutitsisussaapput, immaqalu aamma akit aalajangersarneqarnerat pillugu nunani allani akileraartarnermut oqartussanut uppernarsaatit.

Paasissutissanik immersuiffimmi suliffeqarfiit – siunnersuummi § 36 b, imm. 2 imaluunniit 4 naapertorlugu - krydsiliillutik suliffeqarfiup angisuujunera mikisuuneraluunniit pillugu paasissutissiisarnissaata atulersinnissaa eqqarsaataavoq. Suliffeqarfiit mikisutit imminut taasut piumaffiqeqarnerminni akileraartarnermut ingerlatsivimmumut maleruagassanik sakkukinnerusunik malinninnermut piumasaqaatinik naammassinninnerminnik uppernarsaammik takutitsisinnaasassapput. Piumasaqaatinik naammassinninnermut tunngatillugu paasissutissanik eqqunngitsunik paatsiveerutsitsisunilluunniit tunniussineq paasissutissanik naammattunik nammineerluni tuniussisussaataanerit pisussaaffimmi toqqammavinnik unioqqutitsineruvoq akileraaruserinerlu pillugit inatsimmi § 19 naapertorlugu akiligassiinermik nassataqarsinnaalluni.

Imm. 5-mut

Sulisut amerlassusaannik, oqimaaqatigiissitsinermik kiisalu kaaviiartitanik naatsorsuinerit § 36 b, imm. 5-mi nutaami siunnersuutiqeqartoq malillugu annertusisamik pisassapput. Tassa inatsisit isaanni inummi sulisorineqartut, oqimaaqatigiissitsinerit kaaviiartitsinerillu akileraartussaataitaasumut suliffeqarfissuakkut atasuni. Suliffeqarfissuutigut inatsisit isaanni inuttut paasinnineq § 36 a, imm. 4-mi malittarisassanik malinnipput, suliffeqarfissuakkummi atassuteqarneq oqimaaqatigiissitsinermi naammassineqarsimassaaq, tassa ukiup naatsorsuusiortiusup naammassinerani.

Suliffeqarfissuakkut inatsisit isaanni inuttut paasineqassapput inatsisit isaanni inuit, aktiaatileqatigiinni pineqartuni (anigaasaateqarfimmiluunniit) toqqaannartumik toqqaanangitsumilluunniit nammineq anigaasaatit 50 procentianik annertunerusunik piginnittut imaluunniit taasisinnaassutsit 50 procentiinik amerlanerusunik aqutsisut. Annertusisamik toqqammavimmik naatsorsuineq taamaalluni akileraartussaataitaasup inatsisit isaannit inuttut inissisimanerinnaani taamaallaat paasineqassaaq. Oqimaaqatigiissitsinerup tamarmiusup naatsorsorneqarnerani suliffeqarfissuarmi namminermi pissamaatigineqartut imminullu anigaasaatitigut pigeqatigiinnerit naatsorsuinerit ilanngunneqartassanngillat. Suliffeqarfissuarmi ataatsimut kaaviiartitat

naatsorsorneqarnerani suliffeqarfiup nammineq iluani kaaviiartitat ilanngunneqartassanngillat.

Nr. 10-mut

§ 36 b-mi nutaatut imm. 6 ivertinneqassasoq siunnersuutigineqarpoq, tamatuma kingorna suliffeqarfik piginnittuiusoq nunatsinneersoq, aningaasarsianit akileraarutit pillugit inatsisartut inatsisaanni § 1, imm. 1, nr. 3-8, 10 aamma 12-14-imut ilaasoq, suliffeqarfissuarmi nunani tamalaani ingerlatsisumi ataatsimut minnerpaamik 5,6 mia. kr-inik kaaviiartitaqartoq, suliffeqarfissuup nunarsuaq tamakkerlugu nunat ataasiakkaarlugit aningaasaqarnikkut ingerlatanik akileraaruserinermut ingerlatsivimmut nalunaarusiamik tunniussisassasoq (nunamit nunamut nalunaarusiaq).

Suliffeqarfissuup ataatsimut kaaviiartitai ukiumi naatsorsuusiorfimmi, ukiup isertitaqarfiusup siulianiittumi uuttorneqartarnissaat siunnersuutigineqarpoq. Suliffeqarfissuarmi ukiup isertitaqarfiusup naatsorsuusiorfiusullu assigiiffianni, ukiumi 2017-imi nunamit nunamut suliffeqarfissuup nalunaarusiornissaanut, suliffeqarfissuup 2016-imi ukiumi naatsorsuusiorfiusumi kaaviiartitaasa tamarmiusut minnerpaamik 5,6 mia. kr-iunerat apeqqutaassaaq.

Ilanngullugu nunamit nunamut nalunaarut kingusinnerpaamik ukiup isertitaqarfiusup nunamit nunamut nalunaarusiorfigineqartup ulluata kingulliup kingornanit kingusinnerpaamik qaammatit aqqaneq marluk qaangiunneranni tuniunneqarsimanissaa siunnersuutigineqarpoq. Suliffeqarfissuarmi piginnittuittut suliffeqarfissuup ukiumi isertitaqarfimmini ullorsiutininik malinninnerani ukiumut isertitaqarfiusumut 2018-mut nunamit nunamut nalunaarut kingusinnerpaamik ulloq 31. december 2019 tunniunneqarsimassaaq. Oqaatsit qitiusut qanoq paasineqarnerat imm. 1-mi nassuiarneqassasoq siunnersuutigineqarpoq. Oqaatsini ilaatigut suliffeqarfissuaq, suliffeqarfissuaq nunani tamalaani ingerlatsisoq, suliffeqarfissuaq ingerlatsivik, piginnittuittut ingerlatsivik kaaviiartitsinerlu ilaapput. Imm. 11-mut tulliuuttuni nassuiaatit innersuussutigineqarput.

Imm. 7-mi kalaallit suliffeqarfissuuartut ingerlatsiviat suliffeqarfissuarmi nunani tamalaani ingerlatsisumi piginnittuittut ingerlatsiviunngitsoq, suliffeqarfissuup nunamit nunamut nalunaarusiaanik § 36 b-mi imm. 7-itut nutaami piumasaqaatit naammassineqarsimatillugit tunniussisinnaasoq siunnersuutigineqarpoq. Piumasaqaat siulleg tassavaoq suliffeqarfissuup ingerlatsiviup § 1, imm. 1, nr 3-8, 10 aamma 12-14 piumasaqaatit naapertorlugit akileraartarnikkut Kalaallit Nunaanni angerlarsimaffeqarnera. Piumasaqaatip aappaa tassavaoq piumasaqaatit tulliuuttut ilaat ataaseq arlallilluunniit naammassineqarsimasut. Suliffeqarfissuaq ingerlatsivik siullermik suliffeqarfissuup nunamit nunamut nalunaarusiaanik tunniussisaaq, piginnittuittut suliffeqarfissuup nunami angerlarsimaffigisamini inatsisitigut ingerlatsivimmi nalunaarusiamik tunniussisussaataitanermik pisussaaffeqanngippat. Taamattaarlu akileraartarnikkut oqartussaasut nunamit nunamut nalunaarutinik

paarlaateqatigiittarnissamik isumaqatigiissuteqanngippata, taamaattoq akileraartarnermi paasissutissanik paarlaateqatigiittarnissamik nunat tamat akornanni isumaqatigiissuteqartoqarpat nunamit nunamut nalunaarummik aamma tunniussisoqartassaaq. Naggataagullu kalaallit suliffeqarfissuurtut ingerlatseqatigiiffiannut nalunaarummik tunniussissaaq nunami piginnittuittut suliffeqarfiup angerlarsimaffigisaani kukkujuartoqarneranik pisoqartarpat, akileraaruserinermillu ingerlatsiviup kalaallit suliffeqarfissuurtut ingerlatsiviannut taamatut kukkujuartoqartarnera nalunaarutigisimappassuk.

Kalaallit suliffeqarfissuurtut ingerlatsivii arlallit imm. 7-imi piumasagaatinik naammassinnippata, taakku suliffeqarfissuurtut ingerlatsivimmik ataatsimik nunamit nunamut nalunaarusiamik akileraartarnermut ingerlatsivimmut tunniussisussamik toqqaassapput, takuuk § 36 b-mi imm. 8-tut nutaatut siunnersuut. Toqqaaneq suliffeqarfimmit toqqaarneqartumit akileraaruserinermut ingerlatsivimmut nalunaarutigineqassaaq.

Suliffeqarfissuulli nunani tamalaani ingerlatsisup, imm. 7, nr. 2-mi piumasagaatit naammassineqarsimappata, suliffeqarfissuarmik ingerlatseqatigiiffimmik nunami Kalaallit Nunaata avataaniittumik nunamit nunamut nalunaarummik tunniussisussatut toqqaasinnaasoq, imm. 9-imi siunnersuutigineqarpoq. Suliffeqarfissuaq ingerlatseqatigiiffik taanna nunami akileraartarnikkut angerlarsimaffigisamini nunamit nunamut nalunaarusiamik tunniussinissamik toqqaarneqartoq, sinnissuutitattut piginnittutit ingerlatseqatigiiffimmik taaneqarpoq, takuuk imm. 11, nr. 6-imi nassuiaat. Taamaattoqartillugu kalaallit suliffeqarfissuurtut ingerlatseqatigiiffiat pisut ilaani nunamit nunamut nalunaarusiamik tunniussisussaataitanermut ilaajunnaarsinneqassaaq.

Piumasagaatit taakku § 36 b, imm. 9-mi, nr. 1-5-imi siunnersuutigineqarput. Sinniisutut piginnittutut ingerlatseqatigiiffik siullermik nunamit nunamut nalunaarummik nunami angerlarsimaffigisamini nunat tamat akornanni nunamit nunamut nalunaarummik piumasagaatinut naapertuuttunik tunniussinissamut pisussaaffeqassaaq. Sinniisutut piginnittutut ingerlatseqatigiiffik inatsisit atuutsinneqarfianni nunamit nunamut nalunaarusiamik Kalaallit Nunaannik paarlaateqatigiittarnissamik isumaqatigiissuteqartumi angerlarsimaffeqassaaq. Taamattaarlu Sinniisutut piginnittutut ingerlatseqatigiiffiup angerlasimaffigisaani inatsisit atuutsinneqarneranni kukkuluttorfiussanngilaq, imaluunniit akileraartarnermut ingerlatsiviup kukkuluttortarnermik kalaallit suliffeqarfissuaataannut nalunaaruteqanngitsoorsimassanngilaq. Naggataagut § 36 b, imm. 10, uniffik siullermi tullianilu nalunaaruteqarnissamik piumasagaatit naammassineqarsimassapput.

Imm. 10-mi nunamit nunamut nalunaarusiap ukiumut isertitaqarfiusumut tunngasup kingusinnerpaamik ukiup naanerani akileraaruserinermut ingerlatsivimmut suliffeqarfissuaq sorleq piginnittuittut sinniisutulluunniit suliffeqarfissuurtut ingerlatseqatigiiffittut isigineqarnera pillugu nalunaarutigineqarsimassasoq siunnersuutigineqarpoq. Kalaallit suliffeqarfissuurtut ingerlatseqatigiiffiat nammineq piginnittuittut sinniisutulluunniit

ingerlatseqatigiiffiuppat, tamanna akileraaruserinermik ingerlatsivimmut nalunaarutigineqarsimassaaq. Kalaallit suliffeqarfissuat piginnittuittut sinniisutulluunniit piginnittut ingerlatseqatigiiffiunngippat, suliffeqarfissuup suup nunamit nunamut tunniussinissamik pisussaaffeqarnera nalunaarutigineqassaaq, ilanngullugu suliffeqarfissuup nunami sumi akileraartarnikkut angerlarsimaffeqarnera.

Ukioq nalunaarusiorfik 2018-iuppat aalajangersakkat siuliani taaneqartut nassatarisaannik suliffeqarfissuaq nunani tamalaani ingerlatsisoq minnerpaamik 5,6 mia. kr-inik ukiumi naatsorsuusiorfiusumi 2017-imi kaaviiartitsisoq, nunamit nunamut nalunaarusiamik tunniussinissamut pisussaaffeqassaaq. Ingerlatseqatigiiffiup sorliup nunamit nunamut nalunaarusiortussaana 2018-p ingerlanerani akileraaruserinermut ingerlatsivimmut nalunaarutigineqarsimassaaq, kingornalu nunamit nunamut nalunaarusiaq kingusinnerpaamik 2019-p naanerani tunniunneqareersimassaaq. Ukiup isertitaqarfiusup naatsorsuusiorfiusullu ullorsiutinik malinninnera matumani tunngavissaatinneqarpoq.

OECD nalunaarusiortussaataaeramik pisussaaffiup assigiiaartumik atulersinneqarnissaa qulakkeerniarlugu oqaatsinik aalajangersimasunik atugassanik aalajangersaavoq. Oqaatsit atorneqartussatut aalajangersarneqartut taakku § 36 b, imm. 11-mi ilaatinneqarnissaat siunnersuutigineqarpoq. Oqaatsit atorneqartut ilaatigut tassaapput, suliffeqarfissuaq, suliffeqarfissuaq nunani tamalaani ingerlatsisoq, suliffeqarfissuaq ingerlatseqatigiiffik, piginnittuittut ingerlatseqatigiiffik. Oqaatsit atorneqartut OECD-p aalajangersagaanik malinnippat.

Suliffeqarfissuaq nr. 1-imi pineqartoq suliffeqarfittut arlalittut piginnittumikkut aqunneqarnermik kulluunniit imminut atasutut paasineqassasoq siunnersuutigineqarpoq, taamaalilluni taakku ukiumut naatsorsuusiornermut maleruagassat naapertorlugit annertusisamik naatsorsuusiortussaataallutik, suliffeqarfissuarmik atorneqartumik, imaluunniit ingerlatseqatigiiffik ataaseq arlallilluunniit aningaasanik niuerfinni nalunaarsorsimappata, taamaattunik suliaqartussaappata.

Nr. 2 naapertorlugu suliffeqarfissuaq nunani tamalaani ingerlatsisoq, akileraarutinut inatsisit atuuffini ataatsimit amerlanerusuni suliffeqarfissuarnik pigisaqartoq.

Suliffeqarfissuuartut ingerlatseqatigiiffittut nr. 3 naapertorlugu paasineqassapput a) suliffeqarfik sunaluunniit suliffeqarfissuarmi nunani tamalaani ingerlatsisumi ataatsimut naatsorsuusiornermik immikkuullarissutut ingerlatsisoq imaluunniit suliffeqarfissuaq ataatsimoorussamik naatsorsuutinik suliaqartussaagaluarpat taamatut inissisimasussaaq, ingerlatseqatigiiffik ataaseq arlallilluunniit arlallilluunniit aningaasanik niuerfinni nalunaarsorsimappata, b) suliffeqarfik sunaluunniit suliffeqarfiup annertussusaa pingaaruteqannginneraluunniit kisiisa pissutigalugit ataatsimut naatsorsuusiornermi ilanngunneqanngitsoq, aamma c) suliffeqarfimmi litra a-mi b-milu ilaasumi ingerlatsivik aalajangersimasooq sunaluunniit aalajangersimasumik ingerlatsivimmut ukiumut

naatsorsuusiornissamut akileraarutinulluunniit naatsorsuutinik immikkut
naatsorsuusiortoqartarsimasuuppat, imaluunniit avataanit nakkutilliinermi imaluunniit
suliffeqarfissuarmi namminermi aqutsinermik nakkutilliinermut.

Piginnittuittut ingerlatseqatigiiffik nr. 4 naapertorlugu suliffeqarfissuurtut ingerlatseqatigiiffik
tassaavoq suliffeqarfissuaq ingerlatseqatigiiffik suliffeqarfissuarmi nunani tamalaani
ingerlatsisumi piunasaqaatinik tulluuttunik marlunnik naammassinnittoq:

– toqqaannartumik toqqaannangitsumilluunniit suliffeqarfissuarmi nunani tamalaani
ingerlatsisumi ingerlatseqatigiiffinnut aalajangersimasumilluunniit ingerlatsivinnut ataatsimut
aralinnulluunniit naammaginantumik sunniuteqartoq, kinguneranillu ingerlatseqatigiiffik
malittarisassat akileraartarnikkut angerlarsimaffigisami atuuttut naapertorlugit annertusisamik
suliffeqarfissuarmut naatsorsuusiortussaasoq imaluunniit aningaasanik niuerfinni
nalunaarsorsimaguni taamaattunik sanasussaagaluq, aamma
– suliffeqarfissuarmi nunani tamalaani ingerlatsisumi toqqaannartumik
toqqaannangitsumilluunniit naammaginantumik sunniuteqartoqartinnagu.

Kalaallit Nunaanni annertusisamik suliffeqarfissuarnut naatsorsuusiornissamik pisussaaffik
ukiumoortumik naatsorsuusiortarneq pillugu inatsisip atortuulersinneqarneratigut imaluunniit
nunarsuarmi naatsorsuusiortarnermi malitassiat suliffeqarfissuup malitai atuupput.

Ukiumoortumik naatsorsuusiortarnermik inatsisip atortuulersinneqarnerata kingorna
suliffeqarfissuaqarneranut naammattumik sunniutilik tassaassaaq aalajangiisussaataasumik
sunniuteqartoq. Aalajangiisussaataasumi sunniuteqarneq suliffeqarfiup pigisap
aningaasaqarnikkut ingerlatsinikkulluunniit aalajangigassaanik aqutsinermiippoq.

Suliffeqarfimmi pigisami aalajangiisuusumik sunniuteqarneq pisarpoq, suliffeqarfik
piginnittoq suliffeqarfik pigisani toqqaannartumik toqqaannangitsumilluunniit aqutugalugu
suliffeqarfimmi taasisinnaatitaasut affaat sinnerlugit pigippagit, tamatumani immikkut pisuni
piginnittuunermi pissutsit toqqaannartumik sunniuteqarfiunnginnerat

takussutissinneqarsimatinnagu. Piginnittutut suliffeqarfiup suliffeqarfimmi
taasisinnaatitaanerit affaat sinnerlugit aqunngippagit, taava ukiumoortumik
naatsorsuusiortarneq pillugu inatsisip atortuulersinneqarnerata nassatarsiaanik
aalajangiisuusumik sunniuteqarneq pisarpoq, suliffeqarfiup piginnittup

1) aningaasaliisut allat isumaqatigiissuteqarfignerisa nassatarisaanik taasisinnaassutsit
affaanit amerlanerusut aquppagit,

2) maleruagassat isumaqatigiissutilluunniit naapertorlugit aningaasaqarnikkut
aqutsinikkulluunniit pisinnaatitaaffeqartoqarnerani,

3) qullerpaatut aqutsisuni ilaasut toqqarnissaanut soraarsinnissaanulluunniit pisinnaatitaappat,
aamma taassuma suliffeqarfik aalajangiisuusumik aquppagu, imaluunniit

4) ataatsimeersuarnermi aalajangiisarfimmilluunniit assingusumi taasisinnaassutsini
amerlanerussuteqartut aquppagit, taamaalillunilu suliffeqarfimmut aalajangiisuusumik
sunniuteqarneq toqqaannartumik pigalugu.

Taasisinnaatitaanermi taakkulu atorneqarneranni, tassunga ilanngullugit sinniisinnaaneq aningaasaatinillu pisiassatut siumut aalajangeriikkani, atorneqarsinnaallutilluunnit allanngortinneqarsinnaaneranni, ukiumoortumik naatsorsuusiortarnej pillugu inatsit naapertorlugu suliffeqarfiup suliffeqarfimmik allamik aningaasaqarnikkut ingerlatsinermilu aalajangiilluni aqutsisinnaanerani naliliinermi ilanngunneqartassapput. Suliffeqarfimmi pigisami taasisinnaassutsit naatsorsorneqarneranni ukiumoortumik naatsorsuusiortarnej pillugu inatsimmi taasisinnaassutsit aningaasanik pigisanik attuumassuteqartut, suliffeqarfiup pigineqartup nammineerluni imaluunniit taassuma suliffeqarfittut pigisaaniittut isiginiarneqanngillat.

Nr. 5-mi kaaviiartitat suussusilerneqarput. Isertitat suliffeqarfiup nalinginnaasumik ingerlatsineranit pilersut kaaviiartitsinerusut siunnersuutigineqarpoq, tassunga ilanngullugit nioqqutissianit tunisat, sullississutitut tunisat, ajunngitsorsiat, erniat, iluanaarutisiat royaltyllu. Paasinnineq taanna nunat tamat akornanni naatsorsuusiortermermi malitassiami IAS 18-imi paasinninnermut naapertuuppoq.

Nr. 6-imi imm. 7, nr. 2-mi toqqammavissarititaasuni ataaseq arlallilluunniit naammassineqarsimatillugit sinniisuusutut piginnittut ingerlatseqatigiiffik suliffeqarfissuaasoq imm. 9 naapertorlugu nunamit nunamut nalunaarusiamik nunami akileraartarnikkut angerlarsimaffigisamini tunniussisussaq.

Nr. 7-imi siunnersuutigineqarpoq oqartussaasut akornanni isumaqatigiissuteqarneq nunat tamat akoranni akileraartarnikkut oqartussaasut akoranni inatsisit attuuffiini nunamit nunamut nalunaarusianik nunat akoranni paarlaateqatigiittoqartassasoq.

Nr. 8-mi siunnersuutigineqarpoq marloqiusamik akileraartannginnissamik isumaqatigiissummi sumiluunniit, nunat tamat akornanni isumaqatigiissumi imaluunniit allaffissornikkut akileraartarnikkut suliani ikiorsiineq pillugu isumaqatigiissutini, Kalaallit Nunaata inatsisinillu atuutsitsiviup suulluunniit akornanni akileraartarnikkut paasissutissanik paarlaateqatigiittoqarsinnaanera.

Naggataagut nr. 9-mi inatsisit attuuffiini kukkujuarnerit nassatarisaanik inatsisinik atortitsivimmi Kalaallit Nunaani akileraartarnikkut ingerlatsivimmi isumaqatigiissutigineqartunik allatigut arlaleriarluni nunamit nunamut nalunaarusianik suliffeqarfissuup Kalaallit Nunaanni ingerlatseqatigiiffiini paarlaateqatigiittarnernik atorunnaarsitsisimaneratut paasineqassaaq.

Imm. 12-imi Naalakkersuisut nalunaarutip imarisaanut piumasqaatinik aalajangersaasinnaanerat siunnersuutigineqarpoq. Piumasqaatit taakku nunamit nunamut nalunaarutit pillugit nunarsuarmioqatigiit akornanni aalajangiussanik malinnissapput.

Nr. 11-mut

§ 47 b, imm. 7-imi oqaaseqatigiit aappaannik atorunnaarsitsinissamut siunnersuut, siunnersuummi nr. 2-p kinguneranik aaqqiissutaavoq.

§ 2-mut

Inatsisartut inatsisaat 1. januar 2019-imi atuutilissaaq ukiorlu aningaasarsiorfiusoq 2019 aallarnerfigalugu sunniuteqalissalluni.

Imm. 2-mut.

Aalajangersakkat ukiumi isertitaqarfiusumit 2019-imit sunniuteqalissapput.

Imm. 3-mut.

Aalajangersakkap nassatarisaanik § 34, nr. 20-tut siunnersuutigineqartoq ulloq 1. januar 2018-imit kingumut atuuttumik atuutsinneqassaaq. Tamatumani ataasiaannartumik tapiissutit 2018-imi tunniunneqarnissaasa naatsorsuutigineqarnera eqqumaffiginiarneqarpoq. Aalajangersagaq ukiunut isertitaqarfiusunut 2018 aamma 2019-imut atuutissaaq aammalu ulloq 1. januar 2020-mi ingerlaannartumik atorunnaarsinneqassalluni.